

宋

會

要

節候
入運
麻

全唐文

宋會要

禁火

禁火乃周之舊制唐及宋朝清明日賜新火亦周人出火之事

天瑞星

宋會要 壽星

乾德三年八月辛酉四年八月乙卯六年正月戊申
開寶二年七月乙亥壽星出見于丙 薦人君之壽既
稽元命之圖表天下之安又載西京之志 太平興國
四年八月乙亥壽星見一云老人星五年八月己卯六
年八月乙卯八年八月辛卯 雍熙八年八月己酉四
年八月辛亥^{二十夜}端拱元年八月乙卯朔二年八月癸
亥 淳化元年八月丁卯二年八月辛未^{一作癸酉}三年八
月戊寅四年八月辛巳九月己亥五年八月己丑 至
道元年八月己亥二年閏七月己亥^{一云八月}見丙地
至道三年八月辛丑 咸平元年八月癸丑二年八

月癸亥三年八月丁卯四年八月甲子五年八月乙丑
六年八月丙子 景德元年八月癸酉二年八月庚辰
三年八月庚寅四年二月己卯八月甲午 祥符元年
正月丁亥八月丙申二年二月壬辰八月乙巳三年二
月辛巳八月己酉四年正月戊寅八月癸丑五年正月
辛巳八月己未六年正月庚子八月丙寅七年正月癸
丑八月己巳八年七月癸酉九年正月甲寅八月壬午
天禧元年八月癸巳二年正月丁巳八月辛卯三年
二月辛卯八月乙亥四年八月己亥五年二月丙申八
月乙巳壽星皆出見于丙 天聖元年二月己亥二年
八月丙子四年七月壬申 景祐二年正月乙丑 至

和三年二月辛卯八月己未

嘉祐二年八月庚申三

年八月丙辰四年正月庚戌八月癸未五年八月庚午

六年正月癸丑八月壬辰七年正月辛亥八年正月辛

酉 治平元年二月己丑七月癸巳二年二月癸巳八

月己亥三年正月庚辰八月庚戌皆壽星見

明道元年壽星由云

騰光丙辰為壽中辰

宋會要 含譽星

大中祥符七年正月二十二日夜有星出東方光芒二

尺餘司天言含譽星也喜則光射帝作歌近臣屬和凡

月丙戌又見似彗有尾而不長 明道二年二月戊戌

含譽星見東北方其色黃白光芒長二尺許

宋會要 星

至和元年七月二十二日守將作監致仕楊維德言伏
觀客星出見其星上微有光彩黃色謹案皇帝掌握占
云客星不犯畢明盛者主國有大賢乞付史館客百官
稱賀詔送史館嘉祐元年三月司天監言客星沒客
去之兆也初至和元年五月晨出東方守天關晝見如
太白芒角四出色赤白凡見二十三日

天瑞雲

全唐文

宋會要

慶雲

淳熙二年十一月十二日臣僚言陛下躬率百僚加上
上太上皇帝尊號賜涓吉日不歲盛儀冬至朔旦天地
休明雲綵絢耀日景晏溫和氣薰洽特顯陛下業業事
親之誠抑可見太上皇帝永永萬年之慶竊惟春秋傳
載魯僖公五年朔日南至公既視朔遂登觀臺以望而
書左氏深美僖公之合禮夫至朔同日凡十九年而一
遇由古以來不知其幾登臺書雲惟此見之矧惟今日
行曠古無前之典禮而人心騷奮天意昭荅雲物輝華
此又生民以來所未有也乞宣示史館從之

天瑞雪

宋會要 瑞雪

太宗太平興國二年十二月丙辰大雨雪前二日太史
言月有蒼白暈西有黑氣文餘占云雨雪之象也至是
果驗詔近臣於中書宴飲令各賦詩上製瑞雪歌以賜
之 真宗景德四年十一月辛巳真宗謂王旦等曰昨
暮降雪遽止朕憂其未足夜分使人於宮庭視之乃云
復降其勢甚密今果盈尺來歲麥苗應有望也遂賜近
臣飲于中書又宴館閣于崇文院上作瑞雪詩令三館
即席和進兩制次日來上大中祥符三年十一月壬午
己丑上作瑞雪詩賜近臣和壬辰召陳從易劉均對崇
和殿上謂向敏中等曰從易筆文可觀令即席賦瑞雪

歌一本云將祀汾陽雖屢得嘉雪召劉均陳從易賦歌詩
上命題陳彭年筆授上覽之賜緋魚四年劉綜作大雪
歌以獻八年十一月十九日御製瑞雪歌曰應有五車
來表瑞定殊黃竹著為謠 是殊賀承天節瑞雪表方
祝萬春之壽俄飄六出之祥又瑞雪詩云衣上六花非
所好畝間盈尺是吾心 仁宗慶曆四年十二月六日
翰林天文院言瑞雪之應詔送史館嘉祐三年十二月
十六日詔從臣觀河南所進芝草諭曰今日嘉雪大滋
宿麥自勝芝草瑞也是日賜喜雪燕于中書 高宗紹
興十三年十二月庚寅瑞雪應時百官詣文德殿拜表
稱賀自是歲如之迄今不改癸巳賜喜雪御筵于尚書

消清按此
年係太宗
淳化四年
此文今見玉
海卷一百九
十五

省初復故事也 孝宗乾道六年十二月一日瑞雪應
時賜喜雪宴于尚書省九年十一月四日詔郊祀免奏
祥瑞九日親郊十一月軍臣曾懷等奏郊祀禮成無以
瑞雪應時未明而霽以至青城宿齋園丘歲事天氣澄
與此皆聖德昭著高穹降格上曰君臣之間正當修飭
以答天貺淳熙癸卯前立春一夕大雪祕書郎熊克賦
詩館學之士和焉 四年正月辛卯合祭園丘乙未大
雪作立春日瑞雪詩三首賜近臣李至上言曰原隰同
縞隴畝載滋適因祈穀之祥遂契有秋之望
孝宗淳熙八年正月四日雪上謂輔臣曰得雪二麥滋
茂農事可喜此和氣所致也趙雄等奏曰歲前未有今

去春尚十日得此殊為可喜元日陛下朝德壽宮天色
清明次日太史奏日有戴氣都人懽呼皆謂兩宮慈孝
所致又次日大雪和氣致祥如此有以見聖德格天上
曰亦卿等贊襄之力

物瑞芝

光宗

宋會要

芝草

紹熙元年四月二日宰執進呈畢上宣示慈福宮芝草
圖壽皇聖帝芝草贊并御製芝草詩上曰芝草之生實
慈福壽祉之祥壽皇誠孝之應宣付史館

物瑞龜

全唐文

宋會要 瑞龜

雍熙中蘇州貢白龜作白龜曲十五至道三年真宗即位
五月癸酉蘇州貢白龜全上

宋會要

至道三年九月壽州貢綠毛龜真宰謂宰臣呂端曰介

蟲而毛天意或有所警戒卿等詳考以聞端等言曰按

瑞謀神龜千歲巢於蓮葉之上今所得之處郡名壽春

陛下頃升皇儲寶自壽邸天其或者將使陛下後天而

老既壽且昌乎又龜為水族其類在陰介剛物也毛柔

物也夫戎狄之類稟乎陰氣天意若曰將有獷鷟不賓

之俗柔伏未庭乎帝曰卿等所尚章甚為詳備然朕之屬意又或異焉夫龜有毛者文治之兆八卦乃文治之寶也豈四靈昭感有所屬耶卿等其悉心修輔慰朕意焉

宋會要

大中祥符九年九月戊午荆門軍獻綠毛龜因詔自今諸道凡有祥異復為貢

宋會要

至道七年丙辰明州獻青毛金文龜一

金唐文

太祖

宋會要

祥瑞

建隆二年隴州防禦使楊勲獻黃鸛始知鄆州陳光輔獻白兔及州縣改
以為三旗國朝符瑞之目皆如禮部式倫載其事類于國史今歸緣瑞
命崇尚事迹于次六年三月馴象至京師宰相率文武百僚稱賀自後凡
符瑞內外奏至必宣示宰相即時奏賀大瑞率羣臣詣閤門拜表是年大
祖親郊有司請以國初以來祥瑞異著之旗車遂作金鸛鸛馴象玉兔三旗

太宗

宋會要
祥瑞

太平興國四年九月嘉州言夫江隸將帥鎮民王詣得黑石二背背文其
一云君王萬歲其二云趙二十一帝號其石來獻十二月太宗禁中讀
書目已至中始罷有蒼鵝自始開卷飛止殿吻始掩卷而去帝怪之以詰
近臣對曰此上好學之瑞也昔楊震方講間有鵝產術三鰓魚墮於庭亦
同其應嘉熙二年閏九月坊州刺史馬鐸進一角獸帝御崇政殿召近
臣觀之帝曰時和歲稔天下人安樂此為上瑞烏獸草木之異何足尚焉
今此獸遠郡貢來恩與卿等親視令養於後園遂其飲斂之性宣示於外
有涉近者按瑞應圖杜曰麒麟曰騊杳皆嵐州所貢者麟也今坊州所貢者

麟也十月辛丑五星如連珠 十二月壬寅漳州獻白雀 三月八月

巳酉壽星見 九月蘭州奏水一根二莖其穗或八或九 四年九月辛

酉朔澠州進嘉禾御製嘉禾合穗五七言詩二首賜宰相李昉等 十月

辛丑益州貢禾一莖九穗十二月乙未朔大雪上大悅御玉華殿召近臣

宴出御製雪詩一首令侍臣屬和 邢州進白馬 淳化四年十一月癸

亥隴州獻白鶴詔還之 七月辛巳銀州獻白兔 八月辛亥二十日夜

壽星見 十二月丁巳大雨雪近臣稱賀 是年中燕州貢白龜 端拱

元年二月詔曰王者恭守丕圖誕敷百化允克虔而作貢必務實以去華

惟是豐年最爲上瑞珍禽異獸何足尚焉榮採捕於上林復幽聞於籠檻

違物類飛鳴之性豈國君仁恕之心既無益於邦家宜並停於貢獻兩

京諸州今後並不得以珍禽異獸充貢奉時祥瑞存至帝以爲無益於理

徒事虛名故止之 八月廣州言清遠縣公宇中有合歡木一株高百餘

尺三月十月有鳳高六尺下有叢禽隨從木下生芝草三莖並圖來獻

淳化元年四月敕中書史館編修宋英言皇帝御極以來瑞謀昭著羽族

之祥三十有七瑞角之瑞二十有六草木之異雲霧之應不可具載請宣

付史館從之 五年正月密州所獻芝草四本時以符瑞之事帝多仰而

不舉宰相請觀故出以示 五月王子亳州獻瑞麥圖有分四岐三岐兩
岐者 七月二十四日處州進白鶴 九月庚戌朔

磁州言嘉禾合穗圖來獻以示近臣 至通元年四月二十九日知通
利軍錢昭序獻赤烏白光各一表云烏東陽精兔昭陰瑞報火德萬昌之
兆示金方馴服之祥念慈祐世之珍罕有同時而見望宣付史館從之帝
謂侍臣曰烏赤正如渥丹信火德之應也 五月閏封府青王上言太原
栢慶鄉華陽村民獲黑兔一以獻帝謂宰臣曰黑兔之來國家之慶也呂
端等對曰黑者北方之色兔即陰類災狀之象也將有夷狄解纒稽顙於
北闕之下乎 是年七月丁巳永州慶陵得六辟龜一以獻詔示近臣
是月癸酉眉州言嘉禾一莖二十四穗

真宗宋會要祥瑞

咸平二年十月癸酉商州貢連理木圖 十一月十六日開封府言民張永清得田中神人遺書慰封乃金牌有趙為君萬年字詔付史館 景德元年八月十七日白州言五月七日午時鳳凰三自南來入城中眾周進至萬歲寺前棲百尺木上身長九尺高五尺其文五色宛如金蓋至申時北向而去蓋國農上宰相奉表稱賀 三年五月一日司天監言先四月二日夜初更見大星色黃出庫樓將官西漸漸光明則在底三度鄭之分野壽星之次後益潤澤謹按星經瑞星有四其一曰周伯色黃煌煌然所見之國大昌又按太一占云王者制禮作樂內外咸得其宜四方之事無蕃蕪君上壽考國運大昌則周伯星出天示殊休允符聖運乞付史館送之文武百官上表稱賀初是星之見知星者屢言嘉瑞雖考驗有據而帝未之信至是司天監翰林天文連狀稱述始聽羣臣表賀 是月撫州獻白鳥帝以前詔罷貢珍禽奇獸命還之給其道路之費 四年十二月高書禮部言先準敕命珍禽奇獸諸祥瑞等不得進獻甚眾當司準儀制令祥瑞應見若麒麟龜龍之類依圖書大瑞者隨即表奏自外諸瑞中

載有司元日開泰人準禮部式祥瑞每季具錄送史館又檢會到唐太和
二年中書門下奏伏請自今已後祥瑞但中有司更不進獻伏以聖化流
通瑞命紛委苟不書於史策曷以表於靈心欲望自今諸道珍禽奇獸祥
瑞等不進得獻只教當司逐季謀送史館起居院從之 大中祥符元年
四月詔太祖太宗朝諸路所獻祥禽異獸皆在苑囿可上其教俟祥登禮
畢從之 九月二十六日癸未直史館張知白上言臣嘗於咸平中上疏
論祥瑞當時隴蜀初定河湟未寧乞明詔有司止之以著謙奉上穹之意
數年以來兵患數給羣臣告成功詔命終行和氣充塞上動靈輒下契人
心休應存臻祥瑞煥委超於前代萬世一時若書典策告宗廟因示常
例未足盡其殊尤望以泰山諸瑞按品目以第之命良工以續之一本藏
秘閣傳於不朽一本以備玉清昭應宮國壁所貴崇天地所錫之寶從之
後知白得言咸平中河湟未寧臣請罷郡國所上祥瑞令天下無事重
至至聖以泰山諸瑞國玉清昭應宮其刻藏之秘閣十一月知梓州崔端
獻白鵠一帝以地遠勞人賜牙吏贈錢遣之仍令詣州依前詔不得以珍
禽異獸為獻 是月召近臣于龍圖閣親丁未所獻冊 十二月詔近臣
三司使副刺史以上對於龍圖閣親臨聯祥瑞所進呈祀汾陰往祀祥瑞

及雖上太宰廟華徽廟國凡百四十明年二月又從羣臣之請出於文德
殿觀之十一月天書扶持使丁謂言自天書降後凡有祥瑞欲望編排
各撰贊頌兼序仍於昭應宮國寫詔宜差丁謂龍圖閣待制戚綸陳彭年
同共編聯條奏仍令中書門下知樞密院王欽若陳克夷并兩制與丁謂
等及尚書丞郎給陳公撰贊序謂與李宗諤戚綸陳彭年編次成凡國寫
五十一軸召近臣宗室內職同觀之二年三月右司諫張知白言先詔
郡國有祥瑞不得以聞止報禮部封禪以來珍符駢集今州郡悉以聞望
中明前制從之三年閏二月翰林天文司天監丞邢中和言按唐乙巳
占云太陽者人君之象揚輝耀照萬物凡有吉凶憂喜之氣皆變化
見於日遂自今年止月後至二月終時候太陽有左右珥氣凡二十六赤
黃九青赤冠氣八承氣六戴氣五日有黃色二五色雲一背氣三占云珥
氣青赤主兵先憂後喜赤黃色間上下和悅冠氣主國家行冠帶禮封建
之事戴氣戴德也國有喜臣下推戴之象承氣者承順納忠也日有黃色
潤澤君福壽昌五色雲太平之應也臣見兩月之內日上氣象如此倍多
蓋國家將有大慶之兆然願聖人詳酌天道進用賢臣也明刑法治兵經
武其間又觀其氣三見慮四方有不順之處棄晉天文志云五星在東

方中國利刃緣吾泰之通倚伏循環今雖北朝通順河西息兵更望於邊
防要害之地當安腹心乃居安慮危之道也帝覽而嘉之十月以河中
府民巨沼為河中府助教賜襲衣銀帶器幣等詔祖誠靈寶真文恭驗有
緣故有是命是月己酉廣州言嘉禾金穗四年二月三日內侍譚元
吉等言畢詔以泰山芝草裝成寶山二百每山十一本或以泰西詔分送
諸路名山瞻覽若宮觀祠宇五月詔近臣至龍圖閣觀芝草圖又至崇
和殿觀瑞物有餘種凡木十有三有文成大連宋字者成大連字者成天
下太平字者成有字者往上芝草形如仙人手者瑞石六有文成真君王
萬歲字者成趙二十一字者成咸池星者成觀音羅漢者成北斗七星
者成雙蛇形者五色成龍即一鳳那二鳳喙一龍牙二龍頭首一蛤中有
金龍隱形一珊瑚樹二十顆正山一硃砂山二空青山一王旦等進曰國
朝以來凡有祥瑞雖四方無不傳聞而未嘗見之臣等今復親觀實為厚
幸帝曰國家符命昭灼蓋由祖宗積德至於四方寧謐以成祥列之禮有
以也朕念前代雖有德之君能行封禪之事者蓋寡如唐太宗兩議其禮
皆不能行朕乃克成封禪蓋先朝之臣素有陳請能登禮制度已備朕
何力之有旦曰太宗嘗議大禮非陛下勵精善繼力致太平則不能奉成

先志矣陛下歸美祖宗實社稷無疆之休也 五州五月蘇州錫津縣野
蟲成繭是繇不產蠶比食小蛇而成絲織繭以奏 八月己未壽星出於
丙 是月帝謂近臣曰某聞羣臣議及朝廷崇尚祥瑞躬親細務昨晉成
祥瑞勤政二論詢之因出示宰臣大指謂玉帛雖有正祥常因祗畏中人
一觀善應即自侈汰聖賢思以防邪故春秋不書其事然神祇降監亦以
揚祖宗之然當欣承而宣布之君禱休祺以自肆固宜戒也拒而為賢即
所不執又付中書許羣臣傳寫三司使丁謂言又請以御製於國學刻石
授之 閏十月車駕詣登聖院召使司宣太平興國中舒州民楊革所進
瑞石石有文曰志公記吾觀四五朝後次丙子出趙號太平二十帝敬
志醮潛山九天命天尊社稷永安內供奉官馮仁俊魯管勾瑞物誦得此
文及觀聖祖臨降表其事且言太祖後唐天成二年二月十六日降誕太
宗丙子歲即位皇宋啓運在五代後並皆符令詔許於龍圖閣閣之興仁
復所誦無異又得一瑞石上亦有文曰趙二十一帝字又詔以石於明堂
宣示文武百官及付史館帝作七言詩近臣畢和 六年十一月詔近臣
于龍圖閣觀丁謂所獻再生朝天檜萬歲卿那五雲靈盤雙金華翔鳳臺
壽等芝及連石帶木散生芝草共三萬七千一百八本帝周覽久之 十

二月又出芝草列於文德殿庭宣示文武百官從寇準所請也 是月辛酉廬州獻赤烏 李德隆在北邊獲白烏作詩以獻太宗和賜之 七年二月車駕發京師幸亳州題詔以真源所進靈芝二百本及白虎列天書前 八年六月賜近臣靈芝山谷二皆丁謂所進天下名山洞府靈跡寺觀皆賜之 九年九月遼州獻白兔

玉海九年十二月癸未羣牧司言大石監產赤馬四尾無鬣是龍駒通汗漫所不游蹟幸及所未迹是日乙亥日有赤黃雲四臨苑紫雲如蓋庚子奉天宮赴集禧殿有黃紫雲捧日如花地狀

宋會要 祥瑞

仁宗

天聖四年四月內出雙頭牡丹芍藥花畫圖示宰臣令三館各進詩賦文獻通考天聖元年二月河陽柳二本連理是月己亥彗星見八月甲

寅芝生大安殿柱召輔臣觀退表賀乙卯命百官觀之二年八月丙子彗星見四年季春丙午景靈宮牡丹雙跗共輪詔臣為賦夏竦賦序

權等承華召公流詠芝莖連葉漢帝登歌玉海七月壬申彗星見十月壬午幸玉清昭應宮開寶寺景靈宮祈雪故事車駕還必作樂前導上藉意以濟命母作樂既雪一云壬辰雪輔臣皆賀上喜曰力田之民自

今有皇妻長編韓琦家傳五年仁宗初臨軒試進士琦名在第二時唱名第一甲方終太史奏日下五色雲見左右從官皆賀於殿上三月辛酉

崇政殿親試賜王堯臣以下从第玉海六年六月陳州獻瑞麥圖兩歧共秀今兩制館閣賦詩五月陳州言瑞麥一莖二十穗十一月冬卯孟

州獻異花似桃四出上異之月為太平瑞應花崇文日有瑞花詩賦一卷八年八月丁亥六日詔輔臣兩制元直殿觀瑞較賜葉珠殿九年

五月宿州獲白兔景祐元年十月安州稻再熟成德軍言禾一本九穗

二年正月己丑彗星見 六月十九日辛未幸後苑觀稻賞瑞竹晏太

清樓十一月榮州言竹一本十一月上分兩岐天聖九年七月永寧軍清

城生雙竹一本十一月榮州言生瑞竹 四年五月壬戌芝生于太宗神

御殿槐丙寅二十五日芝生于化成殿極召輔臣宗室兩制觀之帝作五

言詩賜玉璫等翌日各獻賦頌 是月庚申滑州言靈河縣民家雞身成

改長二丈五尺廣四尺上以為祥賜其家茶錢五行志寶元二年二月乙

酉興州長琴縣有鴉羽毛潔白鴛脚紅不類常鴉是年八月十六日同測

驗渾儀張巽言今月十四日夜瞻見太陰行黃道及有黃暈周匝暈者室

璧宿謹按渾儀掌占曰主天子喜慶可生帝子若有月暈者三日內有風雨

詔送史館 康定元年六月三日同測驗渾儀張巽等言今月一日夜五

鼓後東方水星見主民靜國安詔送史館 二年正月七日翰林天文院

言正月一日有黃氣按天書國有喜事及皇帝受賀迴大內風從艮上來

主豐稔事詔史館 玉海三年十一月壬辰五星皆在東方占曰中國安寧

慶曆三年十二月澧州獻瑞禾有文曰太平之道 詔送史館 玉海四年五

月乙亥撫州金谿得生金山重三百二十四兩 十二月六日天文院言

瑞雪之應詔送史館六年十二月滑州言野穀生皇祐二年四月一日

司天監言自卯時二刻來興幸金明池將出宮城日生赤黃暈四刻日左右生赤黃暈五刻日上暈外生青赤戴氣一道兩端曲抱於日人稱天雲色淺黃其形輪囷此王者將崇大祀聖孝感天之應九月二十六日司天監言皇帝行大禮平旦中天霽澈四方有雲日未出前東方有黃雲經刻乃散辰時一刻日有赤黃輝氣二刻上黃芒光盛至三刻乃散按占書曰日上有黃芒人君福昌玉海三年三月二十二日甲戌召翰林兩制館閣官觀後苑瑞竹其竹一本兩莖連多為財頃以獻是年後苑產雙竹召從臣與觀皆賦詩頌美之是年五月眉州彭山縣上瑞麥圖凡一莖五穗者數本仁宗曰朕嘗禁四方獻瑞物今得西川麥秀圖可謂真瑞矣其賜田夫束帛以賞勸之六月無為軍獻芝草三百五十本帝曰朕以監年為瑞賢臣為寶至於草木蟲魚之異為足尚哉知軍茹孝標特免罪仍戒州郡自今毋得以聞玉海四年十二月己丑雪初上以愆亢責躬戒膳見輔臣別憂形於色龐籍等因言臣等不能究理陰陽上煩聖慮願守散佚避賢路上曰是朕誠不能感天而惠不能及民非卿等之過也是夕得雪庚寅賜嘉雪宴于中書五年六月貢州言麥秀兩岐七月二十二日己未召近臣觀後苑瑞蓮五年十月二十八日測驗渾儀所言學生張永

方等言百官於景靈宮習儀日瞻見有淡黃雲占曰聖君有喜事太廟習儀日瞻見天道祥異有赤黃暈不匝已時一刻後左右有赤黃珥占曰人主有喜事又今月二十六日瞻見祥異遍天蒼白雲間有日黃耀氣光明占曰聖君明德則太陽顯耀請送史館從之至和二年正月二十一日司天監言今月十二日瞻見日傍有五色雲嘉瑞詔送史館文獻通考三年二月辛卯壽星見五月八日司天保章正馬充神言今月五日一更後西南方有雲黃白狀於太微宮四方無雲按乙巳占人主大喜延年益壽詔送史館文獻通考八月己未壽星見嘉祐二年八月庚申壽星見

三年六月綿州言麥一穗兩歧七月泰州進瑞麥圖一本百穗伊闕之野有麥穗合餘上萬飛白瑞麥字賜守臣八月丙辰壽星見十一月仁宗御崇政殿召近臣觀河南府所進芝草上曰今日嘉雪大滿宿麥其瑞大勝芝草也即賜壽宴于中書四年正月庚戌壽星見八月己未壽星見十月十七日司天監言今月十一日時雪應候洎行禮之際雪止及十二日早廟中行禮月色皎然有黃雲捧月詔付史館玉海五年八月庚午壽星見十月涇州言野燕成萬被于原野石州嘉禾合穗六年正月癸丑八月壬辰七年正月辛亥壽星皆見十二月庚子召從臣觀天

章閣三聖瑞物凡三十種觀畢宴玉宸殿賞絲絳綈祥玉殿召半臣時賜一大唐名出石花令侍歸邸代聞見錄仁宗皇帝以是年十二月丙申幸天章閣召兩府兩制臺諫等觀三朝御書置酒賦詩于邸玉殿庚子再幸天章閣召兩府以下觀瑞物十三種一端石文曰趙二十一帝二端石文曰真君王萬歲三端木曰大運宋德起成文四七星珠五金山重二十餘斤六丹砂山重十餘斤七禹降金八欽石九白石乳花十瑞木左右異色一十一瑞竹一節有二結並生其中十二龍卵有紫斑而小十三鴈卵色白而大觀太宗真宗御集而書飛白令翰林學士王珪題姓名滿賜之玉海八年正月辛酉奇星見有出州芝草叢生下得異龜

英宗

治平元年二月己丑壽星見

是年閏五月二日耀州進所獲受命寶玉

檢今送龍圖閣

文獻通考治平元年七月癸巳二年二月癸巳八月己未

三年三月庚辰壽星見

治平三年五月二十二日司天臺言瞻見少微

星體明潤異於常式謹按景祐乾象新書少微四星在太微西士大夫之位也一名處士亦曰天子副主或曰博士官一曰主術掖門南第一星處士第二星議士第三星博士第四星大夫明大而廣則賢士衆也又陶隱

居曰少微主士大夫之位亦為太子東宮之官也星明大而黃潤則賢士
舉忠臣用王命興輔佐出乞付史館從之玉海治平三年五月二十二日
司天言少微星體明潤占曰賢士舉忠臣用輔佐出天市星紫微星體也
貫索火星獄無因也災惡帶休色刑措不用也八月庚戌壽星見四年
二月癸巳老人星見是年六月和汀州周約進桐板二片其本或文有
天下太平四字詔與翰林院治平四年六月神宗已即位大改元汀州
有桐木天下太平字上即位兩有此瑞玉海治平四年八月戊申老人星
見治平四年九月二日司天監言南方老人星見其色明大潤澤為人主
壽昌天下多賢之應詔付史館

神宗

熙寧元年正月乙未老人星見熙寧元年六月二十七日詔提舉司天
監司馬光勅翰林天文院等官測驗異同以聞先是天文院言二十五日
熒惑犯氐按乾象占曰君憂有災又曰將相有憂而管勾測驗渾儀元氣
等以為熒惑去氐一度未犯次日光芒始接本行黃道之外其芒色仍應
夏主不當為災惟主將相有憂故命光勅之文獻通考熙寧元年八月己
卯二年二月乙卯八月壬戌三年正月甲寅八月癸酉四年二月己未壽

聖旨見 四年二月五日詔中書門下罷上表賀老人星見此星常以春
秋見於南方所占畧同而宰臣例賀至是罷之 八月丁丑老人星見

九月一日廣州言合肥縣南平村民度白兔一隻運授符瑞圓白兔者仁
獸九月之精主陰氣其壽千載滿五百歲其色皆白孫氏云王者思加者

老則至 五年二月己未閏七月乙亥六年正月庚午八月丁酉七年二
月甲申八月庚寅老人星皆見 八年二月己丑老人星見 上海熙寧

五年五月召轉臣觀化成殿芝草熙寧八年七月二十九日禮部言定州
安喜縣民趙錫田穀二本開五壘合一穗成德軍平山縣民康一田嘉禾

相去二尺半重異田嘉禾相去五尺半並合穗保塞縣民陶詮穀七本隔
一壘或兩壘合穗潞城縣民賈琛田穀二本合穗明年七月人言渠州流

江縣粟一苗九穗忠武軍陽翟縣麥秀兩岐鳳翔府天興寶雞二縣仍一
岐有三四穗及六穗者火山軍嘉禾隔五壘深州東鹿縣圻州秀容縣隔

四壘濱州渤海縣隔四壘並合穗穀為瑞此最數也 八月二十二日賜
州言產芝草三本一本類珊瑚枝葉鬱結文獻通考熙寧八年八月庚戌

九年二月丁酉八月庚子十年正月己卯九月戊申老人星皆見 熙寧十
年八月忠州言民有劈開柚木其心有文曰皇帝萬天下太平七字 文獻

通考元豐元年二月己酉八月丙午二年二月壬戌八月乙卯三年二月
甲寅八月己未老人星俱見 玉海是年唐縣甘棠未連理 文獻通考
元豐四年八月丁卯五年二月中戌八月己巳六年二月己未八月丁丑
老人星皆見元豐六年十月八月太常博士何洵直言冬至祀園丘陳異
寶嘉瑞於樂架之北來而行詔可 文獻通考元豐七年二月辛巳老人
星見 玉海元豐七年四月壬辰朝獻黃室宮至天元殿觀芝華草臣王
埴等稱賀 文獻通考元豐七年八月己卯八年二月庚辰八月辛巳老
人星皆見

哲宗

元祐元年二月戊寅八月庚子二月庚寅九月辛亥三年二月癸巳八月
己亥四年二月壬子八月丁未五年正月甲午八月辛亥六年二月己亥
皆老人星見 元祐六年四月二十七日知福州何述言率在州官吏赴
新修社稷壇習儀都日光重輪其一團日而五色其二承日而純黃文獻
通考元祐六年八月壬戌七年正月壬子八月壬戌八年二月丙寅八月
己巳九年七月乙丑紹聖元年八月庚子二年二月壬午八月丁丑三年
二月庚午八月癸未四年二月甲申八月甲申五年二月庚辰皆老人星

見元符元年二月三十日亳州太清宮太上老君眉間發紅光須臾滿殿
上騰雲霄南京度城縣壽聖院有紅氣上達於紅氣中有白毫光四道衝
起東西闊十餘丈上下三四十丈上海元符元年五月戊申祥符文王
文獻通考元符元年八月辛卯二年二月乙未老人星見元符二年八月
三日兵部侍郎黃裳言南郊大駕諸旗名物除用典故制號外餘因時事
取名伏見近重授元符茅山之上日有重輪太上老君眉間發紅光武夷
君廟有仙竊請制為旂號曰寶符曰重輪曰祥光曰祥鶴詔可文獻通考
元符二年九月壬辰老人星見

徽宗

元符三年已未改元十一月詔在法諸州軍應祥瑞不得輒以進獻
令圖其狀申尚書禮部可編下州軍照會遵依條令先是知永靜軍曹量
僉本軍管下將陵阜城兩縣申境內生到合德嘉禾六本兩岐瑞麥五本
輒奉表稱賀故也文獻通考崇寧元年二月壬寅八月癸丑二年二月
庚子老人星見崇寧二年四月十九日太史奏五星並行黃道考古驗合
寶為太平瑞應謹按漢書志天下太平則五星循度宰臣蔡京等上表稱
賀文獻通考崇寧二年八月庚戌老人星見三年二月戊午八月辛酉

四年二月庚申八月丙寅五年二月戊辰八月甲戌大觀元年二月乙亥

八月丁丑老人星見大觀元年八月十八日河北沿邊安撫司奏撰乾

寧軍申大河久係黃水於七月十三夜水漲三寸黃河水清至十九日漸

次減落依舊澄清直至二十一日水方復舊色三省樞密院奏欲詣關稱

賀從之仍送秘書省文獻通考大觀二年二月甲午八月壬午老人星

見大觀三年正月三十日永興軍狀據陝州申今月十八日申時以來黃

河自常家寨正北清徹向上直至潼關西上下澄清二月二十一日定

國軍狀去年十二月韓城縣界神門以來忽然河道中間水凍消釋徹底

清流下邵陽縣界周社約一百里至今未濁又黃河東岸自汾河以南

係河中府榮河界相對西岸係韓城縣界約河道三分之中西岸下二分

澄清東岸下一分渾濁三省樞密院奏今來河水澄清欲詣東上閤門稱

賀詔依奏送秘書省仍差祠部郎中張勸前去致祭文獻通考大觀三年

二月戊子八月癸巳老人星皆見大觀三年十一月十三日詔尚書省奏

都省門柳窠計二十九株上降甘露并左右僕射左右丞廳前并制敕院

及兩過道柳竹窠子內共二十四株上各有甘露尚書省洎六曹仲冬一

日有甘露降于叢柳計百三十本翼旦未晞映日晶瑩甘若飴密上賦七

言詩一首賜執政以下曰中臺布政之所天意昭格致此嘉祥因成四韻
以紀其實政成天地不相違瑞應中臺贊萬機夜沍垂珠濡綠葉朝凝潤
玉弄清輝仙盤雲表秋難比豐稟霄零日未晞本自君臣俱會合更嘉報
上美能歸文獻通考大觀四年二月己未老人星見大觀四年五月二十
九日京西路轉運使張杲奏本路蔡州汝陽上蔡西平遂平等諸縣今年
五月有瑞麥結秀一莖兩岐或三五岐至八九岐近約十畝或連村繪到
逐色瑞麥一十二本具圖奏聞文獻通考大觀四年閏八月丁酉老人星
見大觀四年九月二十七日通奉大夫尚書右僕射張商英言據袁州仰
山太平興國禪院中三月復園產禾一本至七月禾高七尺中分兩莖秀
出七穗結實此乃世所稀有差人馳獻上批獎諭既而商英又奏臣不
際荒蕪輒進瑞禾圖宋大雅十有三章以形容陛下太平之高躋畫瑞
禾於右僕射廳仍以臣所上表并大雅附依御筆日月之光庶傳之無窮
詔依奏其辭曰後修者禾相臣報上也相臣得異禾於集雲峰下高踰九
尺分布七穗是歲天下大豐粒米狼戾揭厲聖功而作是詩也彼脩者禾
其德七分夏古所無今感格兮歲在庚辰利見大人十有二紀而紀庚寅
乾坤六子過漢則新大人法天有草有因皇帝仁孝美瞻神考迺追先獻

三代之造炳然規摹百世之寶孰敢弗祇率意改造哉自淵來恪遵熙豐
法非補完熙寧是同迥戢干戈不勦遠畧頌歛是獨冗官是削并斥浮虛
敦崇儉朴舳舻尾銜汴汴通洛泉幣既平商旅雲行四民化居迭為重輕
迺陳禁網條青昭往流離四遠庶解禽放戴恩扣頭誦咏曠蕩父子怡怡
朋友交餉百度孔脩德澤滂流官知奉法吏畏納賦農夫熙熙服我先疇
樽鼓不鳴奠枕靡憂職是善化有赫下臨陰陽泰通薰蒸罔治惠雨垂風
太和塞野滌滌百嘉芄芄多稼帝定中天曷知其然四方郡國咸奏豐年
豐年之象何以昭宣爰有異果八節如鞭如鞭之上雙莖相向穗葉敷榮
挺拔尋丈高而不危神力扶持同而能異濟物是宜彼脩者禾其實駢羅
天子萬年本支蕃多十一月十五日宰臣何執中言臣等伏見涉冬以
來率多陰晦風霾雪霰繼作逮冬祀前期十日而戒天乃晴霽車駕殿宿
之旦陰雲四合至晚微雨中夜風師盡驅纖翳黎明鑒與順動果日東升
至則謁原廟裸獻太室祇見園丘熙事備成天氣晏溫日星明潤中外士
庶歡呼鼓舞蓋由皇帝陛下有大舜慕親之孝盡文王事帝之心齊明誠
一克舉元祀又比年以來脩益政事求合于天建皇極之通下寬大之書
善繼善述無偏無黨民情和於下天意得於上歲以有年雨暘時若熙熙

庶俗若登春臺斯足以昭聖人之能事驗天神之饗德矣臣等備位近司親都盛事竊自欣幸不敢但已伏望特降睿旨宣付史館傳示無窮從之

文獻通考政和元年二月癸卯八月己亥老人星見 政和元年十一月三日江西提刑司奏虔州申大中祥符宮聖祖殿先天節起建道場忽覩堦西石楠木下生芝草一本其色光明竊以靈芝神草於世固多然未聞有生聖祖殿陛前者此蓋皇帝陛下孝通神明崇奉道德故先天之節降聖之宮秀發靈華昭示嘉應謹案神農氏論芝云山川雲雨五行四時陰陽晝夜之精以生靈芝皆為聖主休祥焉伏望宣付史館從之 二年二月一日河南府奏新安縣萬歲蟠蟠背生芝草詔許祥表緝賀文獻通考政和二年二月乙巳八月乙酉老人星見 政和二年九月二日知定州梁子野奏七月二十六日管下有嘉禾合穗一枝相隔五壘計六尺三寸生為一穗并中間隴內一枝三莖內一莖上生粟三穗詔送秘書省其嘉禾令定州進納 十月十八日三省樞密院太師魯國公蔡京等上議曰臣等伏蒙宣示古玄圭其制兩傍列十二山長一尺二寸上銳下方上有雷雨文下無塚飾外黑內赤中有小好溫潤光澤制作奇古大異常玉臣等謹按圭之制尚矣自舜輯五瑞修五玉以班岳牧說者謂圭在焉然無見於

經唯禹平水土告厥成功帝錫以玄圭而圭之名於是始著玉為純陽之精有充實之美土居中央運四時生萬物故古之聖人以玉為珪以重土為圭之文有土有國者所當御蓋取諸地聖人統天地御陰陽妙萬物非特地道而已天玄而地黃天道致用於南歲用於北坎為赤天之正色也此圭之所以用玄蓋取諸天舜殛鯀命禹以平水土則地功成矣惟天為大惟堯則之則禹之歸功於堯非天不足以稱之今圭銘上天也方下地也上有雲行雨施之文天成也下靜而無所環飾地平也天地之道於是又備焉舜之所以命禹禹之所以歸堯樂見於此矣堯舜無二道二典之文互相脩舜典之所載亦堯事也舜封十有二山作十有二章肇十有二牧而是圭十有二寸其兩旁山亦如之其制其數悉同為圭明矣自堯舜而降莫若三代雖其損益不同然體堯蹈舜其道一揆可得而稽周王執鎮圭環飾以四鎮之山其中必有好為受組之地其長一尺二寸周人攸古自為一代之制惟王所執以鎮四海由是而觀則周之制蓋本於此前乎堯有所未備後乎堯無以復加蓋天下之大器也恭惟皇帝陛下續禹之緒與堯同功天所復命授以至寶而臣等親逢堯舜復考堯禹之制於千古之下與萬邦黎獻舞手蹈足不勝大慶既而京等又上表乞擇日恭

受奉玄圭有詔不允三上表乃從之十二月一日文武百僚太師魯國

公臣蔡京等言伏都四方館張子諒狀十一月二十三日延福宮宴輔臣

至午時有群鶴二十四隻自西來層護殿上盤旋分作三隊東西而去詔

許拜表玉海政和二年晉州曜山得石文曰先天正又左邊見一瑞字製

天正光瑞曆五年建明堂采石泉陽石有明字製文石佚政和三年正月

二十二日御殿受玄圭都天管句所狀契勘去年十一月二十二日內中

降出玄圭同瑞石赴文德殿宣示二十四日玄圭赴寶堂安奉守宿及御

殿受玄圭單推恩詔應討論考驗并冬至日行事職事官轉官及應付人

支賜有差文獻通考政和三年二月甲午老人星見二月十七日詔太陽

自午時後上有戴氣下有承氣承戴武規乃為祥應送祕書省仍許拜表

賀二十二日文武百僚太師魯國公蔡京等言伏覩知蘇州盛章據百

姓陳世隆所開木一段心有天書大吉二字尋同衆官看驗字色正紫色

斧乃所斫通相合無間向背窳堙委是生成其木理字畫即非偽造奉表

稱賀以聞玉海政和三年六月二十三日嘉瑞殿池內生雙蓮四年六月

十四日製雙蓮祈禱興二十五年十月以布安雙蓮年繪于殿政和三年

七月二日嘉瑞殿前池內生雙蓮一朶詔許文武百僚拜表稱賀文獻通

考政和三年八月己未老人星見

政和三年八月二十四日婺州奏通判

朝請郎何執禮到武義縣民有收得木根劈開內有萬宋年歲四字尋下
本縣取木根二斤委司錄事同曹掾官李參等躬親看驗其木劈開處兩
邊各有萬宋年歲四字萬宋係篆書年歲字係楷書用蠟紙模寫今驗得
字體大小不差縱橫各有文理委是生成即非偽造今將收到瑞木二斤
謹用匣盛貯封鐫具狀差人赴關投進

十月四日大司成劉嗣明等奏

契勘今月初四日宰執赴學按試大學國子生所習大晟雅樂至第二章

曲未終有仙鶴四隻自南來盤旋飛舞宮架之上徘徊欲下衆人歡呼遂

由東而去伏乞宣付史館以彰太平盛事文獻通考政和四年二月己酉

八月辛未老人星見政和四年八月十一日宣和殿檜上生玉芝詔許拜

表稱賀十二月二十九日詔製芝木並秀旗先是大觀三年九月西京

穎陽縣天慶觀聖祖殿東有嘉禾芝草並生其嘉禾一本四穗芝草葉圓

而重起至是年有旨加此旂同日詔製日有戴承旗先是政和四年二月

日上生青赤黃戴氣後日下生青赤黃承氣故詔加此旗文獻通考政和

五年二月庚申老人星見

政和五年二月六日康昌劄子奏臣謹參詳今

日氣候稍暖地氣滋潤是天運欲作發變之候即今風在木上緣風勢清

順來日不合加臨之法至初七日合得加臨雨法決矣作成陰雨之象臣謹今晚瞻候雲色有如龍鳳之形亦是為祥雲謂地氣潤所作成也奉御筆有如龍鳳騎跨仙人幢幡寶蓋五色瑞雲天色翠碧上有神物詔送秘書省三月三日太師蔡京等奏伏蒙宣示南安軍所生木草正類珊瑚分枝共輪體柔色朱實火德政平之應臣等不勝大慶欲率百僚拜表稱賀從之四月二十二日甘露降于宣和殿後玉華殿種玉軒綠雲軒并乾康殿西擢秀軒松竹萬年枝桃李等枝上遍滿枝葉及竹木欄楯磚石之上至夜尚降未已如細雨露顯本苑顯屬殊祥宰臣蔡京等上表稱賀七月八日朝諸大夫新差權發遣陝州路權奏臣前待罪汝海伏覲陛下自即位以來符瑞之應靡有虛日以凡計之上于御府者芝草五千餘本碼碯山子一百二十座紅色絲文并堪造器物碼碯一百二匣計三千四百餘斤瑞萱一株野蠶瑞繭并奏成綿絮各一匣雙蓮瑞殼甘露其目不一臣竊以謂一郡之中諸福之物駢臻存應若此實絲聖治感通神明降格汝係防禦上州昨因本州龍興縣青嶺鎮商余山碼碯生發已蒙改賜鎮以興寶廟以珍符為名今茲瑞應重疊欲望特加本州美號軍額庸示褒顯詔汝州陞為陸海軍節度文獻通考政和五年八月甲子老人星

見政和五年八月十三日太史局令充翰林天文王中孚奏近瞻測火星
頻歷房心之宿昨自七月二十五日躔氏宿十二度餘正與房心相照至
八月一日犯房南第三星自後行度稍增乃在南北若避難心宿之行自
八月八日果在心星之上高其宿二百餘分至今月十二日瞻視行度愈
高行過火星遠不犯心星今來伏觀火星行心星度其行速不守不犯行
度為祥詔送秘書省仍許拜表稱賀 二十七日蘄州奏據蘄水縣界內
遍地有芝草生自五月十一日以來據鄉民父老等狀名山最多處皆有
芝草收採到大小不等共一萬二千六十枝檢得芝草衆色內一枝紫色
生九枝並星瑞芝詔送秘書省仍許拜表稱賀候賀日宣示百官 九月
十八日太史局等奏九月十七日癸未其日午時七刻後日四向生五色
雲其色潤澤太平之瑞未時二刻後五色漸散漫詔許拜表稱賀 十月
十三日太師魯國公蔡京等言臣等伏觀台州寧海縣佃戶何保所種木
內有一株三米係是祥瑞詔許拜表稱賀 二十一日武勝軍奏據縣生
瑞戟安化等縣生芝草都計五萬本並係天寧節前九月內節次所得之
數蕃茁之盛未有其比敕內金芝一本莖梗芝葉并附石紫芝大小二本
其瑞尤異詔並送秘書省許拜表稱賀仍宣示百官 十一月十一日文

確
疑
掘

武百僚太師魯國公臣蔡京等言伏觀開封尹盛章奏本府獄空道場有
甘露降於右微聖卿案上奪目耀日燦如珠璣京等奉表稱賀乞宣付史
館 十二月二十九日知桂州王覺奏據邕州中萬州永懷寨告發枕門
等處出產金寶珠到生大金花不經烹鍊一塊重一十一斤五兩一塊重
七斤八兩父老咸謂似此者前後有未又京西路坑冶王景文奏近親詣
汝州龍興縣青嶺保到礪砮二萬五千斤見起網進納竊緣礪砮砮史傳載
出在遠夷今乃出汝州委是亘古未聞並乞宣付史館從之 文獻通考改
和六年閏正月壬申若人星見 政和六年正月十五日太師魯國公蔡京
等言伏觀湖南常平劉欽奏去年六月十二日地名蘆荻衝平地掘得金
一塊額重芝祥雲重九斤八兩同日淘得顯塊金甚多及自七月二十日
掘得碎金後采至十二月十八日又掘掘得金四百七兩二錢已差潭州
司刑曹事王弼管押詣闕進乞與臣僚拜表稱賀從之 文獻通考政和六
年八月丁卯若人星見 政和六年十月十七日提舉三山天成橋河事司
奏自十月一日河水澄清詔差水部郎言韓景前去致祭十一月二日太
師魯國公蔡京等言冀州冬強縣黃河澄清詔差虞部員外郎俞彥致祭
祭之時黃河復清委是瑞應乞許拜表稱賀從之 三十日詔製瑞麟旗

先是元符二年武夷君廟有仙鶴迎詔又政和二年延福宮燕輔臣有群
鶴自西北來盤旋於睿謨殿上又奏大晟樂而翔鶴屢至因加此旗文獻
通考政和七年正月戊午老人星見政和七年正月十九日提舉三山天
成橋河事司奏河水復清詔差工部郎中畢元前去致祭二月十八日太
師蔡京等上表賀大河澄清文獻通考政和七年八月丙子老人星見八
年二月壬申八月乙亥老人星見政和八年九月十二日以上清寶錄
官有鶴數千飛繞嵩山太師蔡京率百僚拜表稱賀閏九月二十四
日以明堂大饗夜有鶴十六飛旋應門之上蔡京以下拜表稱賀十月
十八日以黃鐘大聲一瀉而成即與居聲相合駕造時有雲若華蓋狀盛
京以下拜表稱賀二十五日以下元節寶籙宮建醮是夜長生青華二
帝君降神霄殿宰臣文武百官拜表稱賀二十六日上清儲祥宮天寧
節授戒有五鶴東來翔集殿壇宰臣以下稱賀同日以廣武埽水勢湍
急投御書鉄符即時水勢順流文武百僚稱賀同日蔡京等上表賀宣
示千葉仙芝二十九日蔡京等上表賀仙鶴翔集神霄殿文獻通考宣
和元年癸未老人星見宣和元年三月四日蔡京等上表稱賀安州獲南
鼎六二年四月四日永州奏東門百姓劉思棟刈柴薪劈開內兩邊春

有天下太平四字文獻通考宣和二年八月癸未老人星見宣和二年十月十二日少保少宰兼門下侍郎王黼等奏伏覲十月十二日集英殿大宴有群鶴數十翔集空際伏乞宣付史館仍乞拜表稱賀從之十一月二十九日雅州奏樓天慶觀申勘會去年九月內遇皇帝陛下元命之辰率道衆於聖祖殿朝拜忽見殿內東畔柱上生芝草三本今年十月二十四日伏覲前件柱上再生玉芝一本色澤白瑩狀若凝雲伏乞並宣付史館詔依文獻通考宣和二年二月辛巳八月巳丑三年二月丙戌八月癸巳老人星皆見宣和三年九月十日宗祀明堂以神宗皇帝配十一日太宰王黼等言陛下肇建合宮歲嚴宗饗並以五講上儀今歲夙御路朝天宇清霽暨于歲事協氣橫流祇肅靈恭弗御小次樂節和暢熙事備成上帝顧歆烈考來格神永享答以燕以寧奠玉之初有群鶴翔集空際從以羽物任廷執事罔不稽首嘆嗟垂貺錫符其應如響乞拜表稱賀宣付秘書省以彰孝治從之二十一日朝奉郎權發遣棗州軍炳奏據神霄宮知宮傳教明一大師賜紫鍾與存言今月十九日與道衆朝直之次覲神霄宮殿長生大帝君香案前銀朱殿柱上生靈芝二本一本九層一本五層其色粉黃香潤殊異又據鍾與存中今月二十日續於元生靈芝殿柱

後相對枋上再生靈芝一本六層及先中第二本內再生添一層前後共
三本其色一同觀此祥異不敢隱匿文獻通考宣和四年二月己亥八月

辛丑老人呈見宣和四年十一月十一日以至將大報圓丘有司先申

惟黃威容具舉丁卯宿齋大慶冬如夏溫戊辰朝獻天興殿陰雲解剝陽

景來臨薄午至朝止輦却蓋步入齋宮已巳享於太室裸皂神考浚落露

震暨祭爵冊告涕泗交墮侍祠之臣皆測楚感動庚午躬祀謁吉選休百

禮具洽亞獻既升不御小次皇天宴娛昭答不違璧月垂耀信星彪列非

霧非煙旁傳曉霜已事而退密雪四委平旦回鑒嶺盼縈積四表一色御

樓肆宥已告盈尺越兩晝夜同雲忽霽白日朝鮮臣誤叨冢席夙惟聖德

動天昭格如響實萬世無疆之休乞付祕書省許拜表緝賀從之文獻通

考宣和五年二月庚子八月丙午六年二月戊申八月辛亥老人呈見宣

和七年二月三日太史局翰林天文局測驗渾儀刻漏所奏據天文局司

辰王球等狀正月二十八日庚子其日辰時三刻後日有赤黃暈不匝四

刻後日左右生青赤黃珥六刻後日上連暈生青赤黃戴氣八刻後珥散

已時一刻後戴散申時七刻後暈散奉詔並送祕書省文獻通考宣和七

年二月癸丑老人呈見宣和七年五月十七日文武百官太宰白時中等

以在京神霄宮瑤壇木藥上甘露降上表稱賀文獻通考宣和七年八月庚申老人星見於內主人居壽昌天下安寧賢士進用自太平興國以來

星見必賀至熙寧四年詔罷賀禮

高宗

建炎二年密州獻赤芝九月癸卯輔臣進呈上曰朕以豐年為瑞其還之

建炎二年九月二十二日既領密州軍馬權管州事杜彥獻瑞芝五葉

純赤光堅如漆以為寶符建炎吳玘上因論輔臣曰朕每語卿等國家以

豐年為瑞若五穀皆熟百姓食足朝野嬉噉萬物遂性可以為瑞今密為

虛區何足為瑞卿可退回以示朕從來不受瑞物之意丁寧喻之

紹興

元年七月劉光世言枯桔生穗委是祥瑞上謂輔臣曰朕今若得歲豐人

不乏食朝廷有資輔佐軍中有十萬鐵騎乃為祥瑞此外皆不足信朕在

清即時果間有芝草府官皆欲上聞冀幸賜予朕手自碎之不欲主此奇

怪事范宗尹已下款服退而讚誦者久之玉海紹興十三年十二月庚寅

瑞雪應時百官詣文德殿拜表稱賀自是歲如之迄今不改俗已賜喜雪

御題于尚書省神復故事也紹興十四年四月六日知虔州薛弼言東江

鎮上黨保居人將壞屋木柱一根欲供薪爨折開內有天下太平年五字

紹興十三年
瑞雪已見前

尋委衆驗即非工巧撰造文理繁然通符甲子上元之歲此殆天發其祥
謹用進呈詔令侍從觀看訖送史館 六月淮南東路轉運判官湯鵬舉
言楚州鹽城縣於五月二十五日海水一渠澄清宰執奏欲依典故拜表
稱賀上宣諭曰自太祖平定天下太宗時干戈偃息真宗時祥瑞甚多祖
宗聖語止以豐年為瑞今可宣付史館仍不必賀 八月知撫州晁謙之
獻臨川縣進士梅執古家所產瑞粟一本一十九穗一本九穗一本八穗
實為瑞應詔付史館 十二月一日潼川府路轉運判官宋蒼舒獻嘉禾
一莖九穗者二上宣諭輔臣曰凡赤烏白雉之類止可一觀而已不足為
瑞唯五穀豐稔乃為上瑞也 十五年正月二日輔臣內殿進呈瀘南沿
邊安撫使馮檄得嘉禾九穗來獻上曰近日州郡所奏嘉禾甚多大有手
之慶庶幾可望也 五月太史言是月日有承氣一有戴氣一並青赤黃
也有赤暈周匝二日左右生輝一以為瑞應詔付史館 十六年十一月
太師尚書左僕射秦檜言伏覩郊祀之暮年陛下稽古制作禮樂大備討
論訂正悉出聖學有司劾佞唯謹曾不能措一辭及將祀冬候多陰陛下
至誠感通天地響答雪呈瑞於齋宮之先日穿雲於朝獻之旦暨升紫壇
星宿明爛旋御瑞闕雲霄廓清允謂先天弗違諸神受祀此有司所宜盡

載者也上謂增曰此國家大典禮及期而晴誠可慶也朕自即位以來無
如今次非卿等協贊何緣至此檜等踧踖退避詔付史館 十七年二月
十七日知臨安府沈諫言高禩禮去年二月於桑壇去歲嘗有紅黃瑞氣
光徹上下每至日出方收前後非一又脩壇興工日有六鶴自東而來盤
旋壇上移時而去實應今日親祠之祥以兆萬世無窮之慶 是年十月
臨安府言龍山頭教講院前松上并院後五株有甘露降並詔付史館
十八年閏八月福州言候官縣鄉村有竹實如米老稚採取所得幾及萬
斛此蓋明天子聖德所感興與漢之旅穀野粟無以異也實為中興上瑞詔
付史館本州是年夏秋之際亢旱未償騰踴民慮乏食感此瑞應飢者賴
以全活 玉海紹興十九年四月江西京西之奏並言甘露降是月台州寧
海生瑞麥一本而穗紹興十九年四月太史言是月十七日日左右生青
赤黃珥詔付史館 三十日湖廣江西京西路總領司建康康溧陽縣並
言甘露降 五月台州奏寧海縣生瑞麥一本而穗 十二月臨安府於
潛縣西善寺生瑞芝並詔付史館 二十年正月特進觀文殿大學士充
萬壽觀使兼侍讀從舉秘書省秦熺言是月十四日安奉中興聖統先雨
連夕是日聖統纔出玉牒所門雲霞綢彩暨至天興殿安奉早日麗天茲

誠上亨祐昭示億萬年無疆之符

八月洋州言真符縣百姓宋仲昌

妻一產三男緣本人姓同國號其妻產子之日適值天申節實足昭皇帝

紹隆景命子孫衆多之祥並詔付史館

玉海紹興二十二年五月

太祖仁宗宣柱生芝草九莖連葉上諭

輔臣曰朕每以歲豐為上瑞雖靈芝朱草固未嘗為意今宗廟產芝則非

它比有司舉典禮許宰臣率百僚詣廟觀芝次日拜表稱賀仍宣付史館

十月有司請繪于郊祀華旗之上又以贛州太平瑞木黎州甘露道州

連理木遂寧府嘉禾鎮江府瑞瓜南安軍雙蓮花嚴州龍率寺信州玉山

寺芝草皆太平盛事並詔函簿行旗內未載者一就製造並從其請

玉海紹興二十五年八月十七日刑部侍郎許興古言靈芝生於廟概瑞木

於留都宜如漢齋房之敬製為樂章登歌郊廟詔學士院於園壇景靈宮

太廟所奏樂章增製紹興二十六年四月二十二日上諭輔臣曰比年以

來四方奏祥瑞皆飾空文取悅一時如信州林機奏秦檜父祠堂生芝草

其後尤甚亦有雙頭蓮為瑞者蓮之雙頭處處有之設所生皆雙亦何足

為瑞麟鳳瑞之大者然若非上有明君下有賢臣麟鳳之生亦何足取朕

以謂唯年穀豐登可以為瑞得真賢實能可以為寶若漢武作芝房寶鼎

之歌奏之郊廟非不為美談然何益於事可降指揮今後不得奏祥瑞冀
日乃詔諸路州郡勿以祥瑞聞奏 二十七年二月二十四日宰執泥詒
万俟卨湯思退張綱湯鵬舉陳誠之言太廟仁宗皇帝英宗皇帝兩室
前柱上生芝草四葉欲依故事稱賀上曰前者芝草亦生於此殿蓋祖宗
積德流慶其來有自於是詔從其請仍宣付史館

孝宗

紹興三十二年 己卯任未改元 十二月二十五日權發遣開州呂洵問
上表言今年二月十七日到任後本州新井縣麥秀三岐間中縣牛產
二犢已遵近降指揮畫圖繳中尚書禮部總於六月初十日有五色雲
見於州城之南錦屏山之西若煙非煙若霧非霧浮空映日自未及申
傾城士庶觀之莫不嘆仰皆謂與前二瑞不同兼西南地望正屬普安
郡雲見其上人在皇帝即位一日允合陛下受命之符竊謂合宣付史
館以彰陛下聖德有旨付聖政所 隆興二年三月二十四日宰臣湯
思退等詣德壽宮賀芝草次日奏太上宣諭云芝如金色十有二莖雖
畫圖所不及皆陛下孝德所致上曰甚奇見州志隆興改元州雨雪至
二年十二月雪大降地犬餘深潤溪山窮谷間厚至數尺古所未有進賀

二十七月州治後池生雙頭蓮乾道七年復生慶元四年六月五花洲亦生雙頭蓮至于八九枝郡屬歌詩以為瑞乾道元年正月二日尚書左僕射陳康伯言恭親郊祀大禮皇帝宿齋之日通夕大雪聖心憂勤昭格上下冀日親饗原廟天宇開霽雲物清明正月朔旦有事國丘星緯燦然和氣充塞上帝傳臨允彰德應專準學士院咨報欲於赦文內具載其實即具奏聞蒙宸翰批出不許宣告臣等四音進列獲觀盛事鋪張揚厲乃其職分乞宣付史館以垂示萬世從之六月十五日詔淮南運判姚岳以蝗死為嘉祥奏乞錄付史館特降一官以右正言程叔達奏岳言蝗虫自淮北飛前來寄把平木自死首唱佞說務為容悅之階乞罷黜之以警其餘故有是命七月三日有旨知池州魯魯圖上瑞竹放龍臣僚言魯申朝廷稱奉州管下竹生穗實如米飢民採食之且曰野穀結實于竹穗之上仍為竹實之狀絨囊其物以獻有以知魯之姦說也蓋物異常則為妖竹非穗實之物今失其常性而穗實焉謂之妖可也又聞竹生實則竹林必枯不凋之姿今失其常性將枯焉謂之妖可也以妖為瑞誠出於飢餓迫切而已魯任牧民不以民食草木為病顧以為美事方且文其說圖其狀以獻佞于朝將以資其狂妄不謂之姦說可乎故有是命

玉海乾道六年七月乙巳太史奏是夜四更後東北方火星順行在本星
西南八宿各不及一度云云水火合宿主冊太子當有赦

乾道六年十一

月十日臣僚言伏見郊祀前陰雨連日自皇帝致齋酌獻景靈宮天宇澄
霽靈煙瑞霧環繞殿樞四臺太廟又雨至夜漏四刻陰雲頓開星斗燦
然行朝饗之禮明日駕如青城亦晴道旁觀瞻甚盛已而雲煙霏微沫雨
還作持祭之夜駕幸大次更衣數星燁然現於雲表及登壇樂作四郊雲
陰尚威獨歲星中天靈光下燭終禮成不雨行禮之次夏官廵仗至城門
雨大靈獨恭壇無有祥異卓然實聖上寅恭祇畏格于上下天意昭答詔
宣付史館 九年十一月四日詔今歲郊祀大禮園壇禮畢端誠殿稱賀
令太史局免奏祥瑞淳熙九年明堂禮畢免奏祥瑞今後準此 乾道
九年十一月四日詔郊祀免奏祥瑞九月親郊十一日宰臣曾懷等奏祀
郊禮成兼以瑞雪應時未明而霽以至青城宿齋園丘歲事天氣澄爽
此皆聖德昭著高穹降格上曰君臣之間當修飭以答天貺 淳熙六
年九月三日閣門言明堂行禮畢趙雄等奏前日已降指揮免奏祥瑞上
曰朕自有其祥瑞豐年是也百姓家給人足瑞莫大焉雄等奏景星慶雲
可為觀美豈若豐年之實惠也 玉海淳熙七年五月壬子日上口近頤之

兩昨晚方欲祈禱半夜遽得雨趙雄等奏陛下修德修政格于皇天故欲
雨即雨上曰霑霑如此皆是泰懷福果過於雨珠玉矣上視雨笑曰此雨
從何處來雄等奏從陛下方寸中來一念克誠天實臨之淳熙七年正
月甲寅輔臣奏前月二十八日有戴氣太史奏君德至於天為萬民愛
戴則有是瑞是日乃便殿議願稅之時八年元日朝德壽宮次日太史
奏日有戴氣又次日雪

全唐文

宋會要

附天書

真宗大中祥符元年正月三日對輔臣於崇政殿之西序帝曰朕寢殿中布幕皆用青絁旦暮非張燭莫能辨色去年十一月二十七日夜將半方就寢忽光明滿室敬視之次見神人星冠絳衣告朕曰來月三日宜於正殿建黃籙道場一月將降天書大中祥符三篇勿泄天機朕竦然起對忽已不見命筆識之自十二月朔即蔬食齋戒於正殿依道門科儀結絳壇九級建道場以佇神貺雖越月未敢罷去適皇城司奏左承天門屋南角有黃帛曳於鵠尾之上即遣中使視之回奏云帛長二

尺許緘一物如書卷纏以青縷三道封處隱隱有字朕
思之蓋神人所謂天降之書也王旦等曰此蓋陛下至
誠事天地大孝奉祖宗恭已愛人夙夜求治以至殊鄰
修睦擴俗請吏干戈偃戢年粟屢豐皆陛下赫赫業業
日慎一日之所致也臣等常謂天不遠必有昭報今者
神告先期靈文果降實昭上穹佑德之應皆再拜稱賀
又曰然未知天書所諭之事啓封之際宜屏左右帝曰
既有天命固當祇受適恐皇城司遽便收進已便止之
朕當躬詣焚香拜受朕自得神人所諭之言尋雕木為
輿殿飾之金寶將以奉安天書所云屏人以啓封雖神
人云勿泄天機朕以上天所貺當與衆共之旦復曰蓋

未測書意不欲顯示於衆帝曰天若謫示闕政當與卿等祇畏改悔若告戒朕躬朕亦當側身自修豈宜隱之而使衆不知也當即啓讀但慮文莫能辨須訪明習篆籀者以從旦曰陛下肅奉天命非臣等所能測也帝步至承天門瞻望再拜內臣周懷政皇甫繼明對捧而下王旦跪捧而進帝再拜受之親奉安於輿殿初輔臣請以道衆前導帝曰朕齋戒既久止欲與卿等嚴尊以表精虔遂奉引而行帝却繖蓋徹警蹕至朝元殿之丹墀旦自輿捧天書帝跪受訖付陳堯叟啓封帛上有文曰趙受命興於宋付於恒居其器守於正世七百九九定既去帛緘書甚密紙堅潤不與常類挾以利刀久而

方啓啓訖跪進帝亦跪捧復授堯叟命讀之其書黃字
三幅詞類尚書洪範老子道德經始言帝能以至孝至
道治世次論清淨簡儉終述世祚延永之意讀訖帝復
跪捧以所織之帛繡之盛以金匱置于輿殿再拜訖奉
引升自東階安於道場中復燃香再拜禮畢帝御殿之
北廡召對等謂曰朕德薄何乃天降明命昭晰若此旦
等曰昔龍圖授羲龜書錫禹非常之應惟聖主得之陛
下應天立極振古稱首上帝所以申錫祕檢示治國大
中之道萬世一時也咸再拜稱賀是夕命王旦宿齋中
書晚詣道場上香旦趨往而帝已先至四曰文武百官
諸軍將校諸方蕃客入賀是夕帝齋於長春殿輔臣宿

於本司道衆聲讚於朝元殿教坊奏法曲於庭翌日所
司設大次於朝元殿之西廊列黃麾仗自殿至閣門群
臣序立帝服韞袍太常卿贊導升殿焚香酌獻於三清
天書之前登歌作樂既畢執事者奉天書輿殿降自西
階出朝元門由右昇龍門歷文德殿威儀樂部奉引帝
步導入東上閣門避黃道而行既入門從官皆退唯中
官執事還宮帝前導如初四月一日天書再降內中功
德閣天禧元年正月二十七日始下詔以四月一日天
書再降內中功德閣日為天祺節六月八日封祀制置
使王欽若言六日泰山西南垂刁山上有紅紫雲氣如
橋梁之狀漸成花蓋至地而散其日本工董祚於靈液

亭北見黃素曳於林木之上有字而不能識遂言於皇城吏王居正居正見其上有御名馳告李神福曹利用等達于欽若欽若遂率官屬以道門威儀迎置公舍七日早自公舍奉導至社首山欽若跪授中使馳捧赴闕奏至帝御崇政殿促召輔臣謂之曰朕五月十七日夜忽夢前所覩神人言來月上旬當賜天書於泰山宜齋戒祇受朕雖荷降告亦未敢宣露惟密諭王欽若等凡有祥異即上聞今得其奏果與夢協上天眷佑丕應彰灼祇畏惕厲惟懼不稱王旦等曰陛下至德動天感應昭著臣等不勝大慶再拜稱賀帝曰靈文非久到闕奉迎之禮宜加詳定且等曰正月奉迎天書已定儀注今

盟約而行之帝曰向者降於內庭故不別設儀伏今自外而至禮當嚴奉可且置於含芳園正殿揆日具儀衛奉迎旦等復曰至日欲具黃麾仗道門威儀百官並放朝參出城班迎入內日亦準是從之即命旦為奉迎天書導衛使丁謂為扶持使藍繼宗為都監十日天書至自泰山扶持使而下具儀衛奉迎安於含芳園之西門命王旦詣園齋宿晨夕焚香道衆作法事十一日群臣詣含芳園門迎導天書升園之正殿帝齋於長春殿翌日滿鑾駕赴含芳園改服通天冠絳紗袍百官朝服序班帝出大次於殿下北面再拜訖導衛扶持使自殿上奉天書而下置帝前再拜祇受付陳堯叟啓封跪讀其

文曰汝崇孝奉吾育民膺福錫爾嘉瑞黎庶咸知祕守
斯言善解吾意國祚延永壽厯遐歲讀訖召百官示之
復奉以升殿焚香酌奠車駕先遶俟於朝元殿之幄次
導衛使等奉至帝迎拜前導避黃道而行由東上閣門
入內四年正月二十一日奉聖製天書誓文赴玉清昭
應宮先是帝謂王旦等曰朕以上宮敷祐靈文三錫夙
夜兢勵盡志欽奉且慮歲月瀼久子孫輕怠故作此文
刻石寘於天書閣下七年五月十一日詔模刻天書奉
安於玉清昭應宮命宰相王旦為天書刻玉使樞密使
同書中門下平章事王欽若為刻玉副使兵部侍郎趙
安仁翰林學士陳彭年為同刻玉副使入內押班周懷

政為都監八月七日有司備仗衛道門威儀教坊樂刻
玉都監自內中奉天書升輦刻玉使已下班迎赴朝元
殿帝服鞞袍行酌獻之禮百官陪位奉安於刻玉殿令
刻玉使日赴焚香副使已下日一員莅事 天禧元年
正月六日詔曰顧以眇躬獲紹隆構仰慶靈之積累荷
穹昊之監觀祕籙垂文珍圖錫祚告卜世卜年之業論
時萬時億之祥載惟涼薄之姿寅奉殊尤之貺每增夕
惕祇答天祺登岱畎以垂鴻巡魏雕而育穀而又飈輪
臨暨濟發於仙源曲里朝修崇嚴於道蔭曠典以之交
舉厚福繇是咸懷遂同海域之心恭上紫清之號撰首
春之穀旦陳徽祝之盛儀爰造殊庭薦稱神祖導珍符

而展采標瑞歷以建元乃至齋祀太宮升禋告土式馨
奉先之孝允伸大報之誠福貺來同感悅交集夙宵內
省當畏靡遑思與官師共遵天誨體清淨之妙本暢悠
永之真風是用順考靈辰宣揚祕誨共守大中之道愈
欽皇極之規謹以今年正月十五日行宣讀天書之禮
繫爾宰府體茲意焉十二日帝齋於長春殿親王近臣
御史中丞知雜尚書省四品諸司三品宗室團練使已
上藩侯觀察使已上管軍防禦使已上並齋于朝堂及
本司以王欽若為宣讀天書禮儀使十三日有司於
天安殿設次奉玉皇聖像于中位置寫本天書于東聖
祖版位於西命儀衛使王旦等建金籙道場三晝夜

十四日詔皇姪守節已上駙馬都尉王貽清李遵勗並升殿陪位預聽十五日三鼓四籌帝服通天冠絳紗袍詣天安殿道場焚香再拜西向而立群官朝服升殿攝中書令任中正詣玉皇前跪奏嗣天子臣恒謹與宰臣等宣讀天書講求聖意虔思睿訓撫育生民儀衛使王旦跪取左承天祥符門天書置案上攝殿中監張景宗張繼能捧案攝司徒王曾攝司空張知白跪展天書攝太尉向敏中宣讀每句畢即詳思其指言上天訓諭之意攝中書令王欽若執筆抄錄宣讀畢攝侍中張昞跪奏嗣天子臣恒敢不虔遵天命儀衛使跪納天書于匣中又跪取功德閣天書泰山天書宣讀如上儀王欽

酌

若又跪進所錄天書意帝跪受訖登歌作獻禮畢奉寫
本天書還內

宋會要

中食

太祖建隆元年司天少監王處訥言五月一日太陽當虧請其日掩蔽刀槍甲冑事下有司請其日皇帝避正殿素服文武百官各守本司從之
二年四月一日司天監言太陽其日當食詔避正殿守司如元年之制
淳化五溥年十二月一日司天監言日當日食雲陰不見占與不食同軍臣上表稱賀詔付史館玉海曰當飲陰雲蔽之羣臣賀賀日不飲蓋始于此災不勝德實為垂陰

真宗三年五月一日司天監言日當食真宗避正殿不視事其日雲陰不見帝語近臣此非朕德所致且喜分野之內不被灾矣
七年十二月朔司天監言日當食驗之不食宰臣王旦等上表稱賀詔付

史館

五年七月一日司天監言按儀天曆日當食之既帝避正殿命中使詣宮觀寺院及坊市道場祈禱其日測驗及四分止按唐正元八年十一月朔歷算官徐承嗣言食八分測之及三分宣示朝堂編在史冊此蓋聖德廣大陽盛陰潛之慶翌日宰臣率百官詣閤門拜表稱賀請付史館帝曰虧食之變不甚蓋上天眷祐下民也

天聖二年五月二日權判司天監宋行古等言按占日當食一分半今金不虧詔付史館

實元元年六月二十三日權知司天監楊惟德等言來歲閏十二月則庚辰歲正月朔日當食請移閏于庚辰則日食在前正月之晦帝曰閏所

以正天時而授民事其可曲避乎不許

五年四月朔司天監言太陽當食即陰晦不見軍臣率從臣皆賀六年二月二日司天監言日當食三月朔仁宗謂輔臣曰日食之咎蓋天所以譴告人君願罪歸朕躬而無及臣庶也凡民之疾苦益思詢究而利安之

宰臣賈昌朝對曰陛下發德音以應天譴受臣等敢不夙夜悉心而奉行之于是再拜而退

六年四月朔日有食之遣官祀社以救日是日雷雨至申刻見所食九分

之餘三日宰臣率百官詣東上閤門以日食不及算分表賀

二年四月復言己亥歲日當食欲今年十二月為閏亦不許

宋會要

日蝕

宗

嘉祐三年閏十二月詔明年正旦日食其日百官毋得拜表稱賀

六年六月初日有食之司天監言常食六分之二自本初從西食四分而雲霧有雷電頃之既而渾儀所言雲掩日食不見不為災懼御史中丞王鳴言雷祇懼天戒不當史禍乃詔百官毋得稱賀

四年神宗已卯位未改元十二月十七日詔未歲正旦太陽當蝕避正殿

減常膳自此月二十一日為始罷元日百官稱賀又出手詔曰古者太陽

蝕日百官守職蓋所以祇天戒而備非常也今獨闕焉甚非王者小心寅

畏之道其將來正旦日蝕可中書議舉行之宰臣累上表請御正殿復常

膳乃從之熙寧元年正月一日日有食之司天監言其日已時八刻膳

見太陽於正西偏南起虧至午時五刻後蝕及六分弱至未時三刻復圓

二日羣臣詣闕門拜表曰天人之文雖災祥之宜戒日月之會亦盈縮之

有常適緣薄食之期屬在元正之旦仰祇變象深珍瘡衷虛愧佩之大庭

微為祖之常舉敢干聽聽冒追枕伏惟皇帝陛下求福不違遇災而懼

則焦勞之已至何咎責之不除伏願恢發至仁俯從衆欲御九宸之正宇

復四食之常珍上以隆戶牖之尊下以慰華夷之望批荅曰朕德不明上

一

累三光正月之朔日有食之考之古義咎莫大焉故朕避朝徹膳思有以
恐懼修省謝上天之譴告而二三輔臣暨百辟庶尹方當同心協德以輔
不逮若夫進御虎門之朝退加牢馬之膳請雖誠至豈朕所望哉自是三
上表乃從之

六年三月十三日司天監言四月一日當食九分詔自十四日易服避正
殿減常膳仍降德音曰朕復奉宗廟于七載載憂勤願治弗敢荒寧而太
史豫言天將降告正陽之朔日有食之惟原典經斯謂太異夙宵戰栗未
燭厥理豈^非庶政之失加於四方德誼未^乎刑罰未中善氣終^豈以累三
光今天動^或畏中微不逮是用損膳徹樂變^或膳推恩元元蕩有多辟以圖消
復以名和平二十四日羣臣詣閣門上表曰太史占符將侵陽而虧景中
宸軫慮爰變服以致虔復虛路寢之朝重徹內饗之舉中外咸惕夙宵靡
寧竊以天體陰高日曜交會不無薄食未損清明恭惟皇帝陛下憲古聰
文體乾剛辨而稽帝則恭授人時而乃孟月正陽大明告青博鑒典經之
訓永惟侵沴之原旁究政宜預祛天戒亟形深詔載洽湛恩固將格回復
之靈庶道和平之善氣伏願特紆淵聽俯徇輿情法坐垂衣還正黼屏之
位大庖陳俎進加玉食之珍協四海之歡康副九賓之願望 批荅曰朕

祇若天戒憂心靡寧猶惟昔災咎在茲德昭損常卿預乾明成公卿庶士
率勵百職圖救厥異以昭崇忱奏對所陳豈亮朕意自是再上表弗許

元豐元年六月癸卯朔日當食不食 十一月翰林天文院言日食陰雲

不見又司天監言巳時六刻雲開見日不及所食分數 四年十一月

有食之五年三月十七日司天監言四月朔日當食於寅詔自月已亥素

服避正殿減常膳其日百司守職十八日降德音於四京諸道州府軍監

四月一日司天監言日當食而陰晦不見三日始御正殿 六年九月癸

卯朔日有食之

元祐三年六月十五日有食之 六年五月朔日食詔罷文德殿視朝祭

太社百司守職太史言食二分

紹聖元年二月二十八日詔三月朔日當食罷其日視朝仍差翰林學士

領臨祭太社一位百司守局

四年六月朔日當食陰雲不見先是太史局奏六月朔食有食之詔其日

罷視事仍令有司具素膳公卿等更宜勉思所戒以補不逮時道登長

群臣具奏賀三省樞密院同班致詞賀不見出赴上頓三省口卿等更當

修政事退不肖為意 元符二年十月十六日有食之既 三年徽宗已

即位未改元三月二十三日降德音於四京畿內曰朕以眇身初嗣服歷
惟德不類上類三光太史豫言天文之家乃四月朔日有蝕之譴告之來
必緣類至側身而懼勅命惟幾損膳避朝以圖消弭百姓有罪時予之事
其推獎恩數錫近甸嗚呼天道雖遠其聽自民格王所先惟正厥事誕告
有衆予至懷二十五日詔曰朕以眇身始承天序任大責重罔知攸濟永
惟四海之遠萬幾之煩豈予一人所能偏察必賴百辟卿士下及庶民敦
奏以言輔予不逮矧太史前誥天將動威日有蝕之期在正月變異甚詎
殆不虛生夙夜以思未燭厥理將以彌綸初政消弭天災自非藥石之規
孰開朕德況今周行之內人有所懷窮荒之中言亦可採况朕躬之闕失
若左右之忠邪政令之否臧風俗之嫩惡朝廷之德澤有不下究閭閻之
疾苦有不上聞咸聽直言毋有忌諱朕方開謫正之路消壅消之風其於
輟論嘉謀惟恐不聞而行之惟恐不及其言可用朕則有賞言而失中朕
不加罪朕言惟信非事空文尚悉乃心毋悻後害應中外臣僚以至民庶
各許實封言事布告遐邇咸知朕意先是中書舍人曾肇言陛下踐祚
之初臣願修轉對之制下不諱之令明詔宜令百司民庶得極言時政無
有所隱庶以振起其不敢言之氣紓發其鬱理壅塞之情故有是詔四

月一日以日當蝕遣官奏太社百官守局是日太史局奏辰初日蝕西北四分至巳三刻而復時有陰雲往來然不能掩三日宰相張惇等上表請御正殿復常膳自是三上表乃從之

徽宗建中靖國元年三月二十一日制曰朕復奉宗廟逾年於茲任大責重不敢康寧今者太史豫言日有蝕之將在正陽之朔斯乃大異朕甚懼焉夙夜奉養深惟其故豈非教化未修刑罰不中吏之弗良者衆民之失業者蕃上累三光之明示以譴戒是用損膳避朝蕩有多辟以圖消復以召和平於戲百姓有過罔不罪予萬邦作孚孰非自朕率求諸已庶復休證咨爾有司咸體朕懷降德音于四京諸道 四月一日以日當食遣官祭告太社百官守局是日太史奏陰雲不見所食之分二日宰臣韓口秀等奏伏奉詔以正月朔太陽虧避正殿減常膳者占辰弗集馳走逮於奇肆有惟時鞭朴空於司寇未即路朝之正猶推玉食之供凡在臣工莫違寧處禍以日符天統當循黃道之常君體乾剛故謹正陽之畏惟聖人觀象以立戒欲王者因事而自修亦緣久動而必差乃有頻交而屢食恭惟皇帝陛下中正履位在躬孝成七廟之安仁暨萬邦之衆官惟賢而士勩善罰當罪而民禁非康以無私要容光而必照建其有拙用勿憂以亶中

固念茲而在茲事弗畏而入畏緊寅恭肅可謂至矣則變異何從召之應以至誠居然純曜祥桑不拱方知大戔之興升維何為益見高宗之盛宜先臨於黼展且特御於饗殿茂迎至和允答群望詔答曰正陽之月日有食之謫見於天為變甚大予未小子不遑寧居損膳避朝以圖消弭雖陰雲密布變象弗昭而群公卿士遽上封章乃欲御前殿復常珍豈體朕懷標危懼祇畏戒天之心哉所請宜不允自是三上表乃從之

二年四月十四日祕書省狀據太史局申據同提點歷書推算到今年五月朔日蝕十分中大分三十九初虧西南在午時一刻後復滿東南在未時二刻詔其日前後殿不視事命禮部侍郎蔡李國南祭太社一位百司守職其合行事令太常寺勸會施行五月一日日有食之四年九月一日日有食之政和三年三月一日太史局奏太陽當局至未時七刻後日體圓明全不虧食五日太師魯國公蔡京率文武百官拜表稱賀先是太史局前期定到三月一日壬子朔午時八刻後太陽當食從西北起蝕及三分是日不虧食故也編年備要五年七月戊辰朔日有食之八年五月一日日有食之編年備要重和元年五月壬午朔日有食之宣和元年三月二十三日詔曰日行黃道及其相掩人下而望有南北仰側之異故謂

之蝕月假日光行於日所不燭亦以為蝕日月之光蓋本始虧人望而然
古之人以厯推步先期而定日數之常然日為陽人君象也為陰所掩不
可不戒故代鼓於社耆夫壯庶人走以財成其道輔相其宜今太史有言
正陽之月日有蝕之朕欽明天道若古之訓罔敢怠廢可令尚書省具前
後故實取旨施行布告中外咸使知之 四月一日日有食之七年要
二月年十月戊辰朔日有食之 五年八月二日翰林天文局言今月朔
辛巳朔日當蝕其日蒼黑雲起不辨虧蝕按天文占云日蝕陰陽相掩有
雲蔽之即日不蝕乞付史館從之

高宗建炎三年九月一日日有蝕之初日食僅四分未幾復退有頃上遣
中使齋太史元進日食分數畧刻圖示宰執晚朝奏事次上曰太史初奏
日食早而分深朕適以油盆觀之食淺而退速呂頤浩曰陛下嚴恭寅畏
天鑒精誠宜感格之如此崇寧政和間災異頻仍而消弭之速者頗鮮恐
於應天有所未至上曰朕常以謂奉天不如畏天 舊例日食不御殿作
休假是日晚朝以巡幸機務至繁故視事也

五年正月一日日有食之先是四年十二月二十三日侍御史魏玘奏太
史言來年正月朔旦日當食乞下有司講求故事上曰日食雖是躔度之

文術家能逆知之春秋日食必書謹天戒曰虹之言良愷朕意畏天之戒
周敦忌忽吏宜下有司講求故事凡可以消變者悉舉行之沈興求曰日
食雖踴度可推然日為陽類至於薄食則人君所當恐懼脩省以應天變
於是詔公卿百執事講求關政察理冤獄收輯流亡詢問流亡疾苦舉遺
逸來直言凡可消變弭災者毋遺厥指共圖應天之實稱朕意焉
十三年十二月一日太陽文食皇帝不視事減常膳百司守職過時乃罷
是日陰雲不見初宰執進呈大禮畢於十一月二十三日恭謝上曰十
二月朔日食自未有過膳殿減等事今當舉行至是當虧不見宰臣率百
僚拜表稱賀

宋會要

日中星記

孝宗隆興元年三月五日日有背氣十八日二年五月三日六月五日十日七月一日四日二十日十二月二十九日乾道元年五月二十二日二年二月六日並同六月二十六日日暈周匝在星宿二月二十八日曜在奎宿三月二十五日曜在胃宿六月十日曜在井宿二十九日在柳宿七月六日周在柳宿乾道元年三月二十日周在昴宿二十九日日暈有珥五月十日同二年二月二十六日周在奎宿三月十七日周在胃宿三年四月二十四日周曜畢宿五月一日同六月十日周在井宿四年三月十五日周在胃宿六月二十七日周曜星宿六年四月二十一日在昴宿二十六日在畢宿閏五月六日在井宿七年三月二十八日赤黃暈周匝八年六月五日曜在井宿九年二月十三日赤黃暈周匝七月十六日日左有珥八月十一日左右珥二年二月二十七日同乾道元年三月二十九日左有珥四月二十日左右珥五月十日十二月十四日同六年閏五月十八日左有珥八年六月四日左右珥隆興二年六月十一日日左生戰氣二十九日日有格氣乾道元年六月十八日二十六日三十日同七月一日日有重暈是日仍有背氣左右有珥四日有重暈背氣

乾道二年二月六日重暈背氣六年閏五月十三日重暈并戴氣十六
日有真氣乾道二年二月六日同乾道三年三月十九日日有承氣
五月七日五年正月十二日六年三月二十六日閏五月十三日七年六
月二十九日八年六月十日並如之

全唐文

宗會要 彗

太宗端拱元年六月二日彗星見於井鬼時下詔行謁廟之禮即詔停罷止御樓肆赦不數日彗滅二年七月司天監言六月十八日彗見積水西光芒長五尺行拂右攝提星至今月十九日隱大西方計見四十日太宗命撤樂避正殿進素食分遣使臣往諸道平決刑獄廣布恩宥以荅天誠至八月九日司天監言肆赦之後天氣澄廓彗星不見郡臣稱賀七月戊子又出東井積水西青白色光芒漸長辰見東北旬日夕見西北厯右攝提凡三十日至亢涿

太宗

宋會要

至道二年四月帝以梁雍之分兵難未寧民多歛食令
中書門下詔判司天監事苗守信問以天道咎證安在
守信奏曰臣仰瞻^元象及考驗太一經歷宮分其荆楚
吳越交廣分野並無災咎自來天文凌犯彗星出見及
四神太一臨照並在井鬼秦分所以雍及梁之地有災
其四神太一來年自益州却入幽州京都之分見是木
星照臨自此多^會吉祥之事餘無所占 真宗咸平元
年正月十三日彗出營室北光芒尺餘二月對中書樞
密院于洪福殿真宗曰朕臨御以來未嘗遽豫日謹一
日期於和平而星見表異何也宰臣呂端曰陛下續承

暮年勤政求治雖上穹謫見非陛下政治有關實臣等
不才致傷和氣然前代亦嘗有之堯湯水旱非有失德
若垂象示人則修人事可以禳之今星出分野當齊魯
間恐其地有災帝曰朕所憂天下生靈非獨一二十三
日以星變詔有司直言自今月五日不御正殿尚食所
供常膳一宜減省自是止於崇政殿視事親慮京城繫
囚並減一等情理輕可並遣之召近臣對崇政殿西北
廊至_于後六刻罷呂端等再上表求罷又詔諸路繫囚
並與申理杖已下釋之二十六日彗星滅輔臣請御正
殿復常膳從之真宗咸平元年正月甲申彗出營室
北光芒尺餘至丁酉凡十四日滅甲寅有彗孛于井鬼

大如杯色青白光芒至四尺餘歷五諸侯及五車入參
凡三十日沒占有燕兵明年冬契丹入寇

宋會要

天禧二年六月二十日有彗出北斗魁北行經天二十
七日詣玉清昭應宮開寶寺舍利塔焚香先一日風雨
霽翳及旦晴霽是夕彗始滅凡三十七日宰臣奉表稱
賀三年六月辛亥彗出北斗魁第二星東北長三尺許
與北斗第一星齊北行經天牢拂文昌長三丈餘歷紫
微三台軒轅速行而西至七星凡三十七日沒 仁宗
景祐元年八月壬戌夜有星孛于張翼長七尺闊五寸
十二日而沒十二月己未夜有星出外屏有芒氣皇祐

元年二月丁卯彗出虛晨見東方西南指厯紫微至婁
凡一百一十四日而年說占曰有兵喪 嘉祐元年七月
彗出紫微厯七星其色白長丈餘至八月癸亥滅

英宗

宋會要

治平三年三月三日司天監言彗星晨見于東方在營
室自是日見然天多陰雨不辨至十六日又見詔避正
殿減常膳二十七日夕見于西方疾行至張遂止不行
四月六日後頗然行緩避于列曜將漸隱伏宰臣文武
百官請御正殿復常膳凡三表詔曰朕惟前載三辰之
著太上修德其次修政間者星氣之變曉昏遽見畏天
明威深省厥咎飭身正事以自拆損公卿列辟過為不

遑奏讀再三請御常禮顧惟誠恪復所重違尚期日新
共茲勵勉庶格太和之應用敷福于下民所請宜允
神宗熙寧八年十月乙未星出軫度中如填青白丙申
西北生光芒長三尺斜指軫若彗

宋會要

徽宗

大觀四年五月丁未彗出奎婁光芒長六尺北行入紫
垣至西北入濁不見占主水旱穀傷兵飢人主惡之十
八日詔朕以寡昧獲奉宗廟顧德弗類不足以仰當天
心今彗出東方茲為大異永思厥咎朕甚懼焉自五月
十八日避正殿損常膳許在京任職侍從官直言朝政
闕失朕虛心以改庶獲休嘉之應二十日大赦天下是

日又詔太史言彗出奎婁間行度頗速朕甚驚焉雖風
夜震恐側身祇畏慮未足仰答天戒賴近弼輔臣精意
思索應可以惠澤養民忠厚利物嘉謨寬政及合行事
件並條析以聞庶翕輯善祥消伏災沴遵蹈格王正厥
事之意二十四日群臣上表曰天垂警戒扶持實愛於
人君帝極寅恭感格遂昭於乾象宜內寬於仰畏用俯
則於彛儀輒布輿情冒塵淵聽竊以妖不勝德天惟棐
忱穀祥昭太戊之興升雉著高宗之美仰惟近證遠邁
前聞恭惟皇帝陛下剛健日新聰明時憲纂睿謀而善
繼躬旰食以克勤畏天之畏順帝之則雖星躔之暫變
在皇度以何虧然且溫詔丁寧慮政刑之或失渙恩霽

需條罪皆以惟新生靈共戴於寬仁垂象遍銷於妖祲
尚抑內饗之饌未親正宇之朝凡屬照臨靡遑啓虔伏
願上承眷佑下徇懇祈鳴清蹕以事法宮供大庖而昭
盛禮千官拱極俾瞻萬壽之清光多品在庭復奉九州
之備味豈特副華夷之望蓋將安宗社之靈詔荅不允
自是至六月三日四上表乃從之 政和元年七月六
日司天監言有彗星出紫微垣_五歷七星其色白長丈餘
自是至八月十四日夜滅 宣_五五年正月_五日彗出西
方由奎貫婁胃昂畢十二日詔曰朕以寡昧奉承大烈
風夜祗惕靡敢康寧冀以仰當天心感格和氣乃孟春
之夕星文變見推原載籍茲謂大異豈朕德弗類政刑

罔中皇天動威以示譴告永惟厥咎朕甚懼焉已避正殿損常膳中外臣僚等並許直言朝政闕失朕將親覽虛心以改庶先格王正厥事以銷乾象之變十四日大赦天下至二十五日彗沒羣臣上表請御正殿復常膳批荅不允自是三上表乃從之

宋會要

高宗紹興二年八月二十九日上謂輔臣曰二十六日太史言是夜四更彗出位宿度內如火木星卿等見否夜來初更奏又犯土司空星朕側身省懼欲避正朝又只一殿已減膳食素用謹天戒卿等深思政事闕失更切修舉呂頤浩權邦彥再三請罪皆臣等失職致虧于

理陛下克自抑畏宜便消伏然所次分野甚遠上曰今
不論所次齊魯燕趙之分天象示譴朕敢不畏天之威
耶至九月十七日彗星消十五年四月三日夜有星見
東北方如彗翌日上宣諭轉臣曰彗星見朕甚懼焉卿
等可圖所以消弭之道秦檜因奏太宗真宗朝嘗緣彗
星疎決獄囚等事上曰可且降詔以四事為主避殿減
膳寬民力卹滯獄庶幾應天以實不以文也至是月十
日消伏十六年十二月三日是夜彗見西南方於是上
避正殿減常膳至是月九日夜消伏翌日宰執率百僚
上表請御正殿詔不允自是三上表從之二十六年七
月八日彗出井宿內翌日上謂輔臣曰夜來太史奏彗

出并宿間朕當避殿損膳以答天戒深慮朝政尚多闕
失或民情疾苦無由上達可降詔述此意許士庶實封
陳言務盡應天之實十一日沈該等言星象變異臣等
便合引咎待罪以兩日星象不見所以未敢遽勤聖聽
若更未銷伏不免上章引去以避賢路上曰天象亦有
數卿等不須如此朕與卿等思所以應天實德以銷天
變可也又曰若據所臨分野當在秦晉間然朕以天下
為憂豈當問遠近耶至是月十七日消伏於是宰臣率
百僚上表請御殿不允自後凡三上表乃從之

宋會要 字

孝宗

淳熙二年七月二十三日夜孛星見於西方二十七日
夜消伏 理宗紹定三年十一月丁酉有星孛于天市
垣屠四星之下明年二月壬午乃消

全唐文

宋會要

星變

太祖

建隆二年五月己丑天狗墮西南高宗紹興十七年正月乙

亥妖星出東北方女宿內小如歲星光芒長五丈二月

孝宗

丙寅始消淳熙十三年九月辛亥星出大如太白色先

赤後黃白尾跡約二尺委曲如蛇行類枉矢十四年五

月有星出際天如日與日相摩盪而入

存參瑞異
類

銷

入瑞異

宣政雜錄

虹異

靖康丙午金人犯關駐兵牧養監時未講好一夕二更
後有兩虹氣長五尺許並出東北在南者直侵北相戛
久之遂為一移刻方銷天文奏曰此氣金人合自逃及
應移寨不爾虜無歸路至明日探至虜移寨謨施崗矣

春秋感精符

九女並譌則九虹並見

宋會要

淳熙元年十月二十四日有曲虹見非時
五年十月二十七日亦如之
二年十月三日有蜺虹見非時

帝王世紀

銷

瑶光之星貫月如虹感女樞於幽房之宮生額帝有
大星如虹下流華渚女節意感而生少昊

雪異

宋會要

仁宗慶曆四年正月七日天雄軍德勝州言去歲十二月二十六日天降紅雪盡成血雨三十年十二月二十六日天雄軍德勝州天降赤雪

雪絲

欽宗靖康元年閏十一月二十一日天地晦暝雪未下時於陰雪中有雪絲長數寸墜地

宋會要

神宗熙寧元年二月八日詔近來諸州府軍監逐時降雨雪多以為常事不即上聞雖有先降指揮官吏上下以其年歲深遠使生怠慢具今詣路檢會舊條今後並即時具的實尺寸聞奏仍令轉運司逐事奉行

宋會要

真宗咸平四年三月六日風雪帝曰覆陰頗甚蓋陰陽不和必人事所致觀之而畏實不遲也宰臣李沆以暮春風變再上表求罷詔不許 哲宗元祐三年正月八日詔以春雪寒展給賣薪炭十五日時自去冬大雪寒至于二月二十八日御史中丞胡宗愈侍御史王覲進對太皇太后曰久陰不解雪寒民不易對曰陛下斥賣薪炭所以惠都民甚備聞 豐稷傳

哲宗時授為刑部侍郎兼侍講元祐中春多雪假言今嘉祥未臻冷氣交
作豈應天之責未死事天之禮未備畏天之誠未孚歟官使之臣有闕預
政事如天聖之羅紱江德明治平之任守忠者歟願陛下昭聖德祇天
戒總正萬事以消天災元符二年正月甲辰朔上御大慶殿受朝賀以
雪罷高宗紹興元年二月寒食日雪五年二月乙巳雨雪六年二月癸
卯雪十三年三月雪十七年二月丙申雪十八年二月癸卯雪二十八年
三月雨雪孝宗隆興元年正月二十七日雪降非時乾道五年二月戊
子雪七年二月丙辰雨雪淳熙十六年二月十三日雪光宗紹熙元年
二月十二日二年二月十三日四年二月八日亦如之寧宗慶元五年
二月庚子雪六年二月乙酉開禧三年二月二日戊申其日雪降非時嘉
定元年二月甲寅雪四年二月二十三日丙子其日雪降非時六年二月
丁亥雪九年二月十三日丙申其日雪降非時十年二月十五日壬戌其
日雪降非時十六年春三月癸丑雪十七年三月癸丑雪理宗紹定四
年二月己巳雨雪六年三月壬子雨雪端平元年二月癸丑雨雪二年三
月乙未雨雪嘉熙二年二月乙未雨雪淳祐六年二月壬申雨雪寶祐元
年二月壬子雨雪二年三月戊子雨雪六年二月雨雪開慶元年二年庚

辰雨雪景定五年二月辛亥雨雪

宋會要

哲宗元祐二年十一月二十七日詔雪寒異常歲民多死宜厚加存恤以錢穀給之死者無親屬則官為收殮十二月七日以大雪寒賜諸軍薪炭錢以錢百萬令開封府賜貧民三年正月八日詔以春雪寒民給賣薪炭十五日時自去冬大雪寒至于是月二十八日御史中丞胡宗愈侍御史王觀進對太皇太后曰久淹不解雪寒民不易對曰陛下斥賣易炭所以惠都民甚備聞二聖焦勞上元禁中不用樂既不御樓亦未嘗燕會既而尚書右僕射呂公著等亦乞罷黜詔不允二月八日降德音八年十一月二十一日詔昨秋稼不登衆庶闕食中外流民當此雪寒虛罹凍餓宜賑卹之十二月七日大雪詔收養內外乞丐老幼徽宗政和三年十一月大雨雪連十餘日不止平地八尺餘冰滑人馬不能行詔許百官乘輜入朝飛鳥多死欽宗靖康元年閏十一月二十一日雪大作盈三尺不止天地晦冥或雪未下時於陰雪中有雪線長數寸墜地二年正月丁酉大雪天寒甚地冰如鏡行者不能建立是月乙卯車駕在青城大雪數尺人多死高宗紹興十三年癸亥三月十五日大雪盈尺二十年十一

月建昌軍新城縣永安村大風雪夜半若數百十人行聲語笑歌哭雜擾
忽遽而凝寒陰黑咫尺莫辨明旦雪中有人畜鳥獸蹄跡流血滲染十餘
里入山乃絕三十一年正月戊子大雨雪至己亥逾旬不止禁旅疊告有
墜者時大雪寒甚 孝宗乾道元年二月大雪雨中又雪四年二月癸丑
大雪淳熙十二年十二月大雪至明年正月或雪或霰或雹或雨水或冰
湏尺餘連日不解台州雪深丈餘民凍死十六年四月戊子成州天水縣
大雨雪麥皆凍死 光宗紹熙元年十二月建寧府大雪深數尺二年正
月行都大雪積湏河水厚尺餘寒甚是春雷雪相繼凍雨彌月

金唐文

宋會要

雷震

真宗咸平六年十二月二十九日京城有午暴雷震司
天言占主國家發號布德未及黎庶時議改元肆赦真
宗即召宰相謂之曰此天以警朕也且念河北關西戍
兵未息三司率擾勞民大者即宜減省小者悉與蠲除
今於赦書盡采民弊著為條目務使澤及黎庶 仁宗
慶曆六年五月雷雹地震時監察御史唐詢言近者京
師兩雹地震此陰盛陽微夷狄侵侮中國之象今朝廷
以西北講和寢弛二邊之備臣嘗默以為憂陛下詔申
飭守邊之臣其於兵防敢有慢隳者以軍法論後之

哲宗紹聖三年十月十五日西南方有雷聲次兩電
高宗建炎四年正月十六日雷翌日上謂輔臣曰昨日
雷聲頗厲晉志以雷發聲非時為女主顛權君弱臣強
四夷兵不制如去年正月三日猶未交正月節雷忽發
聲後有苗劉之變朕與卿等宜共修德以實應天 紹
興三十年十二月三日臣僚言十月癸亥日方過中天
無雲而有雷聲人情駭異竊謂變不虛生當有任其咎
者及觀本朝慶曆八年京師一日無雲而雷 仁宗皇
帝謂張方平曰夏竦姦邪天變如此亟命革詔黜之今
日之應其陛下之大臣乎於是有制湯思退罷相 孝
宗隆興元年正月二十五日雷發初聲 二年二月八

日雷 乾道三年二月十七日四年二月一日五年二月二十九日八年二月十六日夜同 乾道元年正月九日雷發非時 二年正月二十三日三年八月二十二日十一月四日 六年正月十六日七年正月十一日八年九月十九日九年正月十一日並同 淳熙十六年正月十三日雷既而八月二十八日紹熙元年九月十日二年正月二十九日三年正月六日四年正月二日十一月十八日五年十月六日亦如之 紹熙元年二月十九日雷發初聲五年三月十二日亦如之 開禧三年三月二十四日己亥其日雷聲初發十月二十九日辛未其夜雷聲非時 嘉定三年十月十七日

壬申其日雷發非時 四年二月十七日庚午其夜雷
聲初發 五年十月二十六日戊戌其日雷發非時
六年三月五日丙午其夜雷聲初發閏九月二十五日
壬辰其夜雷發非時 八年九月十日丙寅其日雷發
非時 九年二月十五日戊戌其夜雷聲初發 十二
年九月十二日辛巳其夜雷發非時

宋會要

旱

天聖五年自夏不雨至七月暑氣尤甚宰臣王曾等言
按洪範云僭常暘若臣等備位台衡深慮朝政之間或
有差失帝曰朕亦夙夜循省上天鑒誠豈徒然哉當與
卿等共修政事以荅天戒也慶厯五年二月詔天久
不雨其令州縣毋得淹繫刑獄七年三月以久不雨下
詔責躬避正殿減常膳求直言戒勵百官罷免輔臣以
荅天戒

全唐文

旱

宋會要

建隆二年京城旱帝幸太清觀相國并禱雨下詔撤樂太官進蔬食

宋會要

咸平二年閏三月京城不雨宰臣張齊賢等奏曰春候已戾雨澤未降此乃臣等災理無故欲求譴黜以塞天下之責帝曰朕獲續基構卿等輔翼但慮政務關失卿等相規以道無惜直言即詔天下繫囚非十惡枉法已殺人者死以下戕一等瘞暴罪並破家罷有司力役之無名等得不怠者中外臣庶各上直言景德元年京師夏旱人乏賜死帝遣中使於寺觀施藥令太醫擇方救瘥揭於衢路頒示天下又以河北歲旱大興遣和制誥晁迥詣北嶽祈雨罷北面後兵

宋會要

熙寧元年正月十四日詔以經冬無雪令各述朕躬過失時政未符天意者宰臣曾公亮等同對引各拜謝上曰日與卿等相見議政之外未聞忠規朕非欲文飾誠冀卿等極言闕失以奉天變也十七日曾公亮言臣二上表及再進劄子以陰陽不調雨雪愆亢乞從免黜而蒙敦諭未賜允

優伏望體臣至誠許從罷黜手詔答曰元沴踰時物蒙其害此上帝之警
予災煩輔臣累請避書經百上朕亦不聽也 二十二日以尚書職方
郎中和登州許遵權判大理寺知諫院奏申言陛下虔精請雨未獲近應
古有望祭山川之禮今備祈羣神此理獨闕宜令禮官講復其政及諸路
州縣仙聖之祠雖不在祀典而水旱應祈者並委州縣遠官潔齋致禱從
之至二十五日方雨 二月七日雨霽霽上曰好雨春苗有望樞密使又
奏常等奏曰雨雪久愆若非陛下精神動天何以致此上曰天道不遠苟
懷康濟之心必蒙昭答昔韓峰曰若上下協心專務康濟生靈必獲天祐
四月十一日上批河北京東尚未得雨可指揮兩路關兩州軍長吏親
禱所在名山祠三年八月十三日上批聞衛州極旱其令轉運司限下仍
蠲租賦 七年二月十八日京東陝西等路久旱詔轉運司各道長吏祈
雨 三月六日詔以旱祈雨未應自六日易服避正殿城帝膳同日羣臣
詣開門表表以虜使之來誕辰之慶宜復常禮後三上表猶不許 十三
日以旱遣官分祈禱京城并畿內諸祠其五獻四瀆並委長吏致禱祭仍
令諸路監司檢察巡按所部淹延被旱刑獄害刑大理未斷公案疾速結
絕以聞 十九日詔河北河東陝東京西淮南路轉運司具轄下已得

兩州軍以聞 二十一日推河北西路轉運使劉航言自冬以來頻愆雨
雪乞遣使於曲陽大茂出真人祠投龍以禱從之 二十八日以久旱詣
中外許直言闕失 詳見群臣言事門 四月十五日詔河北路旱災已及四
月中旬若使民投訴差官檢覆然後蠲除恐艱食之民有所不及歎之河
北路其二秦不收者不俟差官檢覆悉免夏稅 八月十一日詔久旱禱
雨未應其令長吏躬儻徹清閭涇原環慶鄜延路自七月後得雨其關秦
種者官督之官無麥種即貸錢糴 十六日詔諸路監司訪聞山靈祠安
長吏祈雨又遣朝臣告于中太一宮 八年正月二十一日詔西沿邊安
撫司言去歲夏秋旱荒戶殍死者慮自收復洮河危人止知畏威而未識
朝廷之惠今北飢歉若官為糜粥賑其饑急計米一升可給三人則百碩
當濟三千人矣自二月盡五月給米千五百碩費不多而惠極博上批一
奉速令經略安撫司指揮相度於蕃市聚集之地給散如數毋即量增之

宋會要

元祐元年閏二月四日右司諫蘇轍言陛下以久旱憂禱勤至自冬歷春
天意未答災害廣遠又近歲民苦重斂儲積空匱應官債負有資產耗竭
窮不能出者今州縣監司保明除放使民心悅附甘澤可致詔戶部勘會

諸欠官本息罰錢并充役坊場淨利錢數目及民戶見有無抵當物力明具以聞 二年四月十日詔時雨久愆旱災甚廣可自今月十一日後遇

正殿咸常將公卿大夫甚勉修厥職共圖消復又詔尚慮尚書六曹有四方牒訴奏請文字或賞罰難明或民情有冤廢置未決郎官急于省覽吏

人苟越日限非理沮難使抱冤之人無所赴愬宜差御史中丞傅堯俞在司郎中杜紘殿中侍御史孫升赴吏曹侍御史王廣更右司員外郎孫範

監察御史韓川赴戶曹給事中張問監察御史上官均赴禮曹左司郎中

宗道監察御史張舜民赴兵曹右諫議大夫梁燾左司郎中范純禮殿中侍御史呂陶赴刑曹右司諫王觀監察御史張舜民赴工曹點檢自去

年正月至年終文字抽索看詳其間有執吏害事不近人情者并元條明改勘當住滿者促令結絕其指揮不當及非理問難由莽判收者亦許牒

本部再興施行其元行吏人情輕者且與原罪重者特行懲責宜令三省樞密院密度行下 先是右司諫王觀言陛下必欲有以感天意即乞下

詔責躬以其未能肅欽以致不滿之罰也然後詔三省以振朝綱去氏職詔樞密院以嚴邊防治軍政詔六曹寺監以修職事戒胥吏臺以舉不職詔監司以察弛詔羣守以戒偷情凡政事之不滿者皆修飾之如此而

雨猶未降臣甘伏嚴誅以為妄言之戒詔以親言降詔 二十二年雨澤
臣詣閤門拜表請御正殿復常膳自是五上表從之 五年四月二十二
日詔冬雪不效春雨未若遲此孟夏旱災如焚雖得詞備至而神災之存
可自今月二十三日後減常膳不御前殿及將來五月一日罷文德殿視
朝至五月十一日始雨臣詣閤門拜表請御正殿復常膳自是凡四上表乃允
自去年冬不雪至是始雨也

實會要

紹興三年七月二十七日宰臣呂頤浩等言雨足上曰日者亢陽朕甚憂
之以為稻事無望天今霑足如此殆此有秋春秋二百四十年書大有年
者纔一書有年者再而已以知豈登之難得也頤浩等退相謂曰上至誠
問雨如此且豐年之未假也先是自六月二十三日雨後雖雨微間輒止
且極憂勞者躬修政折獄致刑弛力役罷苛擾以圖嘉應至祈禱皆蔬食
潔誠而為之自十六日已後屢雨至是雨足二十八日始復常膳 五年
六月十四日右僕射張浚樞密使秦檜奏檜知政事張守傑與義言臣等以
愆陽為災將宮秋成不受牲幣偏走羣靈已彌旬浹未獲休應上詔陛下
閔雨之慮下使望歲之民凜凜然有溝壑之憂載脩各災之由留緣臣等

蝟相失職積有罪戾以奸陰陽之和望將臣等速賜罷黜並致嚴科以彰
失職之咎用以厭塞天心召致和氣詔亢陽未雨憂心如重咎在一人非
卿等罪各安乃位無復陳辭風戾勉旃以輔台德 九年七月七日詔令
監司郡守各以一路一郡自五月以來得雨以實聞奏

災會要

孝宗乾道四年六月十七日詔近日雨澤稍愆臨安府已迎請上天竺靈
感觀音就明慶寺祈禱今日輪侍從官一員前去燒香七年七月十七日
同

七年六月十三日詔比來近路州軍散寇而澤江西湖南尤甚見為民祈
禱令御廚七月二日早晚御膳並進素七月六日詔江西路今歲間有旱
傷州縣令本路帥臣監司將旱傷州縣守令精加審量如有老弱不能
究心職事之人先次選擇清強能吏前去對易措置賑濟存恤施行仍開
具已對易官職位姓名及見作如何賑恤事件申尚書省十七日詔迎請
天竺觀音就明慶寺祈雨十八日有旨為見祈未雨澤今月十九日早晚
御膳令御廚並進素十一月二十四日詔近日關少雨澤令臨安府精加
祈禱仍令兩浙安撫轉運司行下所部州軍委守令嚴潔祈禱務在感應
每五日一次具雨澤文狀申尚書省九年十一月二十一日詔令臨安府

并諸路州縣關少兩澤去處委長吏精誠祈禱召山大川聖跡祠廟降旨
委監司郡縣遣官嚴密致祭 淳熙五年五月八日詔浙西常州鎮江府
及淮南江東西州郡有猶僭兩澤去處竊應刑獄淹延各委提刑躬親前
去檢察決遣既而七年七月十七日詔大理寺臨安府并屬縣及浙東由
江東州縣決遣 七年八月十七日詔江西湖北路之間有旱傷去處可
令戶部行下逐路監司各將所部州縣見監追未納私茶鹽酒膏錢依兩
浙江東已得指揮放免施行 從臣保言也知興州唐孝顯推官朱時法知
復州潘才卿放罷 淳熙七年十一月十七日知興國軍徐行商放罷 十二
月二日丹陽縣令韋潛心降兩資放罷 八年八月九日知德安府張輝通
判趙泰仲江陵府石首縣令周居厚復州玉沙縣令劉大綱放罷 十五日
江西提舉趙鼎放罷 二十六月並坐不恤旱荒故也 八年七月十七日詔
去歲諸路州軍有旱傷去處其監司守臣修舉荒政民無浮移各與除職
轉官既而江西運判尤袤淮南運判趙彥逾江西提舉朱熹知廣德軍耿
秉並除直秘閣知寧國府丁時發除直寶文閣江西運判錢佃浙東提舉
趙彥前知台州沈揆知興元府張堅知慶興府辛年侯池州表說友知台
州唐仲友知常州章冲和知州張詒知舒州李異知興國軍王之旬廣南

路提點坑冶李大正各轉一官 九年三月一日知臨安府王佐言訪聞
本府管下緣去歲荒歉小民急於救飢多將農器之具質當米穀乞於元
興之家計算截日本息各保立約先次給還其利候熟麥畢日却還如典
主不遵今來約索許人戶陳訴如小民違約不償亦許與主陳理詔依其
去年旱傷州軍準此仍官為置籍將來遇有陳理之人即仰照舊施行
八月十九日詔知建康府范成大知臨安府王佐轉一官減二年磨勘知
紹興府王希呂除敷文閣直學士江東提刑梁總除直敷文閣江西提刑
朱彥進職二等浙西提舉張鈞除直秘閣知揚州鄭良嗣知嚴州楊布各
持轉官以去歲旱傷賑濟有勞故也 十年七月十二日詔以旱曠為慮全
侍從臺諫兩省卿監郎官館職各條具朝政闕失詳見詔書臣言事十三
日左丞相王淮等言伏見自夏秋歉向不雨蓋臣等備位宰輔無補聖
時上千陰陽之和嚴收變理之致望聖正曠廢之責俾從黜免 凡三上
表不允同日上以季夏漢秋旱曠為慮殿殿減膳是月二十三日左丞相
王淮等率文武百僚詣文德殿拜表請御正殿不允淮等再上表乃從之
十一年九月四日利州路提刑提舉司言金洋西和州亢旱乞降度牒
三百道於置熟恩惠時收糴以備賑濟從之 十四年七月七日詔政事

不修早曠為虐可令侍從臺諫兩省卿監郎官館職疏時關夫急當今急
格毋有所隱自來口越殿戒時撤樂 十六日詔令兩浙路帥臣監司戎
約早揚州贖存恤貧民毋致流徙因為品盜仍措置合行事件開具聞奏
於是浙東提舉田渭奏欲將台處州紹興府第五等今年未納身丁稅
及婺州舊無丁稅將第五等戶今年夏稅額不及丈錢不滿貫者並行住
住詳見恤災 二十八日詔諸路縣分有被旱處全籍知縣奉行賑恤仰
監司守臣依條審度才力驟易具奏對易不得道關其庸珍哀病之人即
與祠祿理作自來 八月十四日詔臨安府諸縣今歲間有旱傷鄉分理
宜措置令張澈游九言前去相視按合行視件開具申尚書省 戊而十
五年九月二日十四日宗正寺主簿張澈奏去秋被旨措置臨安府九縣
賑荒見得該官縣東鄉官塘六十里與南路市湖河相通落有三開廢壞
遇海即鹹水衝蕩民田遇旱即易乾死涸又新城縣諸鄉村舊有敗地今
皆淤塞若於農隙之時興此水利即田難遇旱亦幾幾矣欲望行下提舉
司臨安府相度措置諸路州縣恐有似此合興修水利處亦乞體訪措置
從之詳見水利

以上各案皆要

宋會要

慶元元年正月二十七日臣僚言臣竊聞二浙之災惟常州爲甚流移既多餓死者相踵往來士夫親所見聞皆謂賑恤惟此州當先亦所當獨厚伏乞持出睿斷速降米三數萬石以全活一方人命今日之事莫此爲急臣敢冒昧言之蒙賜矜從不勝幸願詔除已於臨江軍起發米內撥一萬石外更令鎮江府於梅管米內支一萬石充糶濟去年閏十月二十一日已降指揮施行二月五日詔可令學士院降詔戒飭諸道監司守令應水旱去處多方賑恤務在實惠及民毋得使事虛文庸副矜念元元之意朕將考其殿最以示勸懲嘉泰二年七月十六日都省劄子勘會兩浙稍愆竊慮江浙兩淮州軍間有闕雨去處合行祈禱詔令兩浙江東西兩淮轉運司各行下所部闕雨州縣委自守令親詣管下靈應神祠精加祈禱務獲感應開禧三年七月二十九日中書門下省訪聞建寧府管内早禾早傷饑民闕食因致結集群黨以借米爲名劫奪財物合行措置詔令福建轉運提舉司將曾被早傷之人優切措置禁絕盜賊各先具知案申尚書省嘉定元年四月二十五日臣僚言臣竊聞民自天民天固恤之匹夫匹婦不得其死則三年之旱六月之霜不旋踵而應況兵革之後

死於非命者不可勝計。積骸枕野，饑民相食，怨氣充塞，豈不上干陰陽之和，故自去歲以來，蝗蝻爲災，隆冬無雪，入春不雨，以迄于今，政之農時已過，芒種今臨，畝龜兆首種不入，更遲數日已涉夏，至則歲事無及矣。聞之道路，早勢甚廣，江湖閩浙所至皆然。遺蝗復生，撲滅難盡，溝渠不通，米價翔踴，人情嗷嗷，幾不聊生。此豈細故而可不求以應之哉？近者奏告祈請，靡神不宗，然欲雨而即止，暫陰而復晴，殊未有以慰四方雲霓之望。恭觀明詔，聖心焦勞，特減常膳，又以此月二十七日躬禱于太一宮，明慶寺，閩雨之志上下具孚，甚盛德也。然成湯桑林之禱，嘗引咎而責躬，宣王雲漢之災，必側身而脩行，其爲應天之道，蓋未嘗專事之虛文也。欲望陛下愴厲齋居，憂勤庶政，深念生民塗炭無辜，顧天皆由向者任用非人，以致貽禍百姓，至下哀痛之詔，廣求切宜之言，仍詔大臣教求民瘼，如淮甸之賑濟，諸郡之科錄，著月之銀甲，近歲之和糴，若此之類，名色甚多，皆合亟議罷行，仍劄下六部長貳及臨安府兩浙轉運司各據所隸，凡可以慰安人心，銷弭天變者，申尚書省施行，詔從之。二年八月三十日，江東提舉司奏，證對本路州縣頻歲災傷去歲舉行荒政，所用濟糴米斛僅能接濟元管常平義倉米斛，至今今年三月支用之外，所餘無已。自六月以來，闕少雨。

澤州縣祈禱節次得雨皆不霑足加以飛蝗爲害間有得熟之田亦復
被其剪傷臣謂今歲之災甚於去歲自合預行措置竊見去歲嘗蒙朝廷
撥降轉運司賑助米一萬石錢三萬五千貫又蒙給降度牒五十道奏提
舉王相任內申請到度牒一百道變賣價錢收糴米斛添助濟糴臣昨聞
本路轉運司亦有題積助救荒錢未具申尚書省乞證去年例盡數撥付
本司那融支遣未準回降之前已撥付江淮制置司賑恤流民外此別無
可指準兼證開禧三年除撥放義倉米猶及六萬餘石嘉定元年義倉米
除放外止合催理四萬餘石緣民力彫弊艱於輸納尚及太半及南康軍
添濟北來之人歲用常平米二千石雖有度牒等錢糴到未斛分撥諸處
補還支過賑濟之數所存不多目今鄉村細民間有收捕蝗蟲去其頭翅
雜以麩炒煮爲糧者近徽州管下有以借糧爲民白日強開人倉廩者臣
已行下諸縣嚴行禁戢及撥義倉常平米二千五百石應到本州減價出
糴預行斟酌賑濟及廣德軍亦以饑荒爲請六月間先於太平州寄納倉
撥米四百九十石自顧卮隻前去信州貴溪縣取撥米三千石分與管下
兩縣椿積預備濟糴今秋成之時諸郡已是窘急臣不忍坐視若候臨時
控告恐緩不及事欲望聖慈憫念江左諸郡軍旅之後仍歲饑荒特與給

降度牒二百道付本司變賣差官吏前去得熟軍收糴糴米斛運載分撥
濟糴使用緣會子在處兌換折閱米價日漸騰踴若給降度牒不多收糴
數少必是不敷分撥欲望朝廷察臣所請誠出不獲已即證數給降施行
貼黃 臣竊見入秋以來全不得雨旱暵已成分撥米斛勢不容緩竊
慮度牒艱於轉賣及往隣路收糴往返便是半斗兼目今會子折閱既有
指揮收賣度牒許用第十一界會子恐持至隣路轉行使用有失指揮伏
見朝廷見將湖南和糴到米三十餘萬石發赴淮浙早傷州郡椿管今江
東旱災事體一同如蒙於內量撥五萬石應副本司令自備人舡般運到
使一路饑民張願待哺者不至闕望檢正都司徽到欲令禮部支降度牒
一百道付本司每道作價值八百貫變賣就行收糴米斛以備濟糴使用
付本司差人前來請領仍與勘所部州縣的實早傷合行濟糴去處疾速
措置以所糴米斛酌均撥施行仍先具已契勘措置并糴到米數中尚書
省詔依擬到事理施行 八年四月十一日門下朕少眇眇之躬託於光
民之上寅奉大業祗畏天戒遵道約已罔敢怠違乃者暮春歷時不雨來
楚告病新種禾秧朕心懼焉並走群望潔齋精禱尤致其嚴時望之間已
荷孚谷雖有霑濡之潤而尚靳滂沱之澤通日以來旱氣彌甚斯民狼顧

後受方深永惟厥應必有其故意者政令不當刑罰不中物議失平人心
胥怨士習垢詭滋邪詭之風吏治煩苛之寬大之意違陽關備預之實州
縣多失業之民膏澤亡於下流忠言壅於上達一或有此背足致災是用
誕告臣民博求忠諫若朕躬之過失凡時政之闕遺悉意條陳毋有所隱
務求實是靡事虛文故茲詔示想宜知悉 七月二日臣僚奏有天早有
人旱此唐人之論也臣請推廣其意而爲今日休旱之說在天之旱不推
誠以致禱則其澤未易以霑洽人過亢旱不致力於備具則其災必至於
烈甚是人旱反甚於天旱也天雖亢旱旬月之間豈無時雨之霑灑地雖
乾涸田隴之間豈無泉脉之流通成周之時一夫之田必有二尺之遂九
夫之井必有四尺之溝等而上之爲湔爲澮以達於川皆以潴雨潦於泛
溢之日亦以通泉脉於乾涸之餘致之周典稻人以潴蓄水以防止水又
有遂以均水其蓄水潦以備旱乾甚周也政之月令在仲夏則命有司祈
祀山川百僚在事春則命有司通達溝瀆以防壅塞疏水脉以助灌溉甚
恣也天未嘗無愛物澤物之心屢禱而不即應已應而澤不流通或者蓋
歸之數也天數固茫昧而不可必人爲旱備獨可頃刻而不致其力乎未
旱不爲之備既旱則坐視而弗拯是非天旱蓋人實旱之也今東南之地

沃壤彌望固亦絕少誠不可以井田溝遂之制施之然一方數十里之內
豈無陂塘可開之以灌注田畝一望之地豈無畎澮可浚之以豬水依山
之田豈無泉源之不涸者可導之以滋溉瀕湖之田或有湖高而田下之
處隄岸欲密獨不可度其勢而少淺之乎瀕江瀕溪之田大率水低而田
高取水雖勞獨不可併力而收車戽之利乎臣聞人也閩地瘠狹層山之
巔苟可算人力未有尋丈之地不垣而爲田泉溜接續自上而下耕壅灌
溉雖不得雨歲亦倍收其有平地而非膏腴之田無陂塘可以灌注無溪
澗可以汲引各於田塍之側開掘坎井深及丈餘得蓄雨潦以爲旱乾一
溉之助炎雲如灼桔槔俯仰不以爲勞所濟雖微不猶勝於立視其槁而
搏手無策乎江浙號爲澤國田志腴潤遠非瘠地之比然旱乾爲害視他
處特甚每以惰農苟安爲備不素固應爾耳蓋耕田之民田非已有方春
播種滿意秋成猝罹旱暵已秧始望饑號相通自救不瞻皇恤苗槁不過
倚鋤仰天歎息而已否則秧槁群趨閔訴于官府之庭而已貧民困矣爲
富民之有田者獨不能出力貸資以爲農民拯旱之助乎旱未瘁矣獨不
當亟爲豬水導泉之計以爲晚耒之備乎任此責者獨非字民之官乎今
以勸農爲職興修水利又令丞之責所宜愛民如愛子拯旱如拯焚出入

所陌咨訪耆老號召農民而慰勉之若所有陂塘可以浚廣若所有泉脉
可以疏濬畝澮埋塞使之相率而開導溪河側近俾之協力而車注園田
之占水者宜掘則掘勿以勢要而遽掘確確之截水者宜折則折勿以經
久而姑存耕夫無力以營謀則勸諭富室之有田者隨其所佃而資助之
縣官視為頃刻不可少緩之事親加相視勤於誘率庶幾上下畢力以拯
天災旱傷或至七八分詎無一二分之滋濟旱田似已無及猶冀晚禾之
登稔今夏雖曰亢旱然未嘗逾月而不雨時不甚接續故無所積蓄耳地
必沮洳而後雨水可積官必加意而後小民竭力積水拯旱實目前之急
務母曰今已後時而置之悠悠不恤也近觀江西漕臣所奏一路獨興國
軍關兩為甚陂塘已竭近泉去處亦可蓄水以護晚秧此亦臣區區過計
之意今欲推行此意莫若行下諸路監司長督令丞尉親相視開廣陂塘
疏導溝瀆掘井泉通地脉凡可為稼旱之計將無一之不舉要以日而課
效若令與丞有能興修水利浹濟若干頃畝不拘多寡守以其實中之監
司監司保奏即行推賞庶使官吏激勸民被實惠况興修水利自有賞格
前此州縣官以此獲賞者或許備資或減磨勘類多文具皆未有興利之
實績今若以實績來上而重推賞焉則誰不加勸是不特拯目前之旱而

止臣所陳不勝懇切惟陛下垂聽而亟推行之天下幸甚詔從之
度宗咸淳六年江南大旱十年廬州早長樂福清二縣大旱

宋會要

火

太祖建隆二年三月內酒坊火焚屋百八十餘間酒工死者三十餘人誅內酒坊使左承規副使田處巖于厚載門外工匠五十餘人悉命斬于諸門宰相等極言諫止乃追釋之獲免者十有二人 太宗太平興國九年五月二十八日乾元文明二正殿災是日既夕陰雲四合風雷暴作夜漏初上甘雨如傾霆電震激火發自月華門抱闕者不知覺延燒漸北烟焰上出帝遣小黃門開闕視之勢已盛亟命宿衛數百人毀迴廊連屋比明役士皆至併力救之至辰巳乃息詔曰朕托於人上臨茲域中夙夜憂兢動靜畏慎每躬親於政理常恤念於

黎元外絕改遊之娛內無聲伎之惑歲既屢稔時亦小康九年於茲萬務粗理蓋乾坤之降祐顧寡昧以何能而數日前迅雷之中烈火暴作既延災於正殿蓋示譴於眇躬諒匪徒然必有由也豈非賞罰有所未當燭理有所不明物理尚欠於和平言路猶多於壅塞獄訟未除於枉撓生靈未息於瘡痍鄉閭之賦調未均草野之賢良未進有一于此實政缺然載深引咎之誠彌增馭朽之節卿等列朝廷爵位同君父之憂勞所宜各竭忠規共申讜議指朝政之缺失陳時務之否臧勿惜上言必期無隱朕當親覽用自儆焉廣詢多士之謀少答上天之戒凡爾在位宜悉朕懷明日百僚上表稱賀真

宗大中祥符二年四月昇州火遣入內高班郝昭信馳驛究問被傷者賑恤之死者官為埋瘞帝謂輔臣曰聞昨火災甚異民居貧富相接有倉庾間廁延燬所及惟富室蕩盡公廩貧居一無所損三年四月昇州火燬軍營民舍殆盡遣侍御史趙湘往彼設齋醮訪民疾苦被火家悉蠲屋稅仍令本州正其地界無使豪族輒有侵冒八月詔以昇洪潤州頻有火災稍憊時雨遣內侍鄭志誠江德明分路往彼撫問軍民犒設將校耆老及祭醮管內名山大川祠廟為民祈福八年四月二十三日夜榮王元儼宮火自三鼓北風甚翊日亭午乃止延燒內藏左藏庫乾元殿乾元門崇文院秘閣詔曰

朕欽承大寶祇勵小心膺眷祐之無疆荷靈禧之猗至
少虧周慎俄有震驚雖曰因人敢忘克己今月二十三
日夜榮王元儼宮不謹遺燼遽致延燒昏夕之間撲滅
靡及遲明之際士伍駢臻尚賴群心率同盡瘁殿庭連
屬不免致焚宮禁回環幸皆安堵眷茲藩邸自失於防
微仰謝宗祊彌深於省咎亦虞庶務未洽大和或政令
匪中或物情有壅期聞讜論以輔眊躬應文武官並許
直言當從親覽渴聞規益勿怯傾輸命參知政事丁謂
為大內修葺使以殿前都指揮使曹璨侍衛馬軍副都
指揮使張旻入內內侍省都知秦翰管勾賜在內救火
諸軍親事官等緡錢判館閣官左藏內藏香藥天書法

物庫監官各贖銅四十斤職掌專典各贖銅二十斤元

侍婢韓氏盜金銀器皿四寶奇懼有彰露遂謀縱火命知

難御史王隨按問得實詔韓氏斷手足令衆三日凌遲

處死知情人處斬除干連人親事官並等第決杖降配

及送養病院本宮都監內知事失於覺察提舉等第罰

天禧二年二月四日北宅蔡州團練使德雍院火

延燔數百間詔遣御史張廓置院鞠劾火起德雍子供

奉官承亮院因婢陳氏所遺燼詔免死杖脊配黨務卒

為妻承亮傳官德雍奉表待罪釋之仁宗天聖七年

六月二十日王清昭應宮災宮自大中祥符元年建至

十極至是火發夜中大雷雨至曉而盡惟長生十年八

崇壽殿存焉其領使者罷之以恭天戒也

月二十三日夜禁中大延燔崇德長春滋福會慶崇徽

天

和

承

明

八

殿

帝

與

皇

太

后

皇

后

避

火

于苑中遂移御

延福宮明日群臣詣宮問起居以宰臣呂夷簡為修葺
大內使樞密副使楊崇勳副之殿前副都指揮使夏守
實入內押班江德明內侍右班副都知閻文應管勾修
葺二十五日詔曰朕猥以眇躬纂于鴻緒既絕畋遊之
好又無臺榭之營十載于茲未嘗暇逸不意掖庭之內
火禁非嚴一夕延燔徧於八殿而端門正寢禁苑奉司
猶免俱焚實繫衆力緬思降猷敢怠省循其令內外臣
僚直言朝廷闕失母有所隱副朕意焉九月三日錄內
侍嘗衛乘輿之勞者自都知而下至內侍凡十九人迁
秩增俸有差二十八日又詔曰皇太后頃在先朝位隆
內輔而共奉之物積在禁中近在掖庭不虞延燎所及

今茲修葺大庀事工而朕親奉誨言惕思儆戒盡屏浮

華之玩火裨調用之資皇太后與朕閣中金銀器物量

留供須外盡付左藏庫易緡錢二十萬以助修大內至

十月畢功在崇德殿曰紫宸長春殿曰垂拱福殿曰

日福寧崇徽殿曰寶慈大和殿曰英承明殿曰瑞明延慶殿

宣和門曰迎陽左右勤政門曰左右嘉福至起工至早

辛繕錢英宗治平三年正月二十四日兩浙轉運司

言温州火延燔官私舍屋一萬四千餘間死者五十人

以上國朝會要神宗熙寧七年九月十七日三司火起於鹽鐵

之廢廳延燔三部諸司舍屋帳籍殆盡使副判官第奪

官降黜之十年正月十七日禁中仙韶院火尋撲滅

元豐元年九月十六日詔邕州昨自交賊殘殺人戶

卷之三十一

至今戾氣未息水火疫癘相繼宜下轉運司差官同本

州長吏集鄰部修潔僧建水陸會為死者薦福令曾布

陳倩同相度遠城利害以聞

先是州寺有塑佛嘗一動

三州至是又動而火焚官私廬舍樂盡其後蠻僕

八

年二月十七日是夜四鼓開寶寺寓禮部貢院火承議

郎韓王冀王宮大小學教授兼睦親廣親宅講書程曼

奉議郎陳之方宣德郎太學博士禹希孟皆焚死吏卒

死者十四人二十三日詔日者火災可於集禧觀為民

祈福道場一月罷日設大醮哲宗紹聖三年三月七

日內尚書省火尋即撲滅是日執政問聖體并罷宴之

由上曰禁中屢火今方醮禳故罷宴不御垂拱殿三日

以上續國
朝會要

高宗紹興二年六月四日臣僚言五月二

十一日臨安城中火災頃刻之間彌亘六七里延燒一
萬餘家議者皆謂上與星文相應其為天災無可疑者
然為害之大者於力不能勝則亦火政有所未修臣嘗
觀舊日京城遇火小則撲滅大則觀烟燭所向必迎前
拆屋以止之近救火者既不盡力復無其具遂至延蔓
望戒勅有司體京城之法明修火政多置合用器物臨
時觀火大小旋為拆屋之計嚴禁攫金之人其間官吏
如或依前滅裂怠慢必罰無赦詔三衙管軍并臨安府
守臣兵官各降一官其團結防火軍兵及救火器具令
殿前馬步軍司并臨安府各措置申尚書省 十二月

八日是夜行在臨安府火災延燒居民達旦撲滅翌日
輔臣呂頤浩朱勝非權邦彥鞠躬請罪皆言不才備位
遂致回祿示譴上勤聖念乞賜罷免以答天戒上曰卿
等宜深思缺失以補不逮朕一夜宮中恐懼不寒而慄
應合行寬卹賑濟等事卿等可速條具施行頤浩等再
上表家居侍罪迺降親札曰惟天降災彰朕失德當與
卿等共思所以謝嚴譴不復有請 三年十一月二十
二日上謂輔臣曰日來居民屢火蓋火禁不嚴且有犯
者未必一一行法故益不戒其諭臨安府守臣議所以
督察之當行法者勿貸於是詔今後放火人不以燒毀
舍屋多少並依軍法其失火正犯人如焚燒官私屋宇

數多並取旨亦依軍法斷遣令臨安府出榜曉示仍多
差使臣緝捕放火之人其被火人戶令戶部日下支米
五百碩付梁汝嘉差官分頭給散所有官私白地房錢
不以貫百並放半月被火處每自方五十間不被火處
每自方一百間各開火巷一道約濶三丈委知通躬親
相視畫圖取旨即不得夤緣騷擾內朝天門裏遺火人
戶令並蓋瓦屋行宮內宮人所居屋宇昨緣移蹕草創
大段低小逼窄於防護火燭不便令修內司日下措置
撥移修蓋務要寬闊又詔臨安府令鈴轄衙官分
定地分過曉急火發各認救撲又
令殿前司將差去京畿第二等八百人內撥三
百人歸本府再充救火使與以上中興會要
隆興二年六月五日詔德壽宮火修內司皇城司三衙

孝宗

忠銳將臨安府軍兵依則例等第犒設一次以撲滅有勞也 乾道三年正月四日真州六合縣武鋒軍寨遭火詔令王之奇將被火居民并流移之人逐賑濟仍開具實支過米數中尚書省尋詔本軍統制官錢卓並不用心救撲顯是弛慢不職可降三官 二月十三日詔婺州兵卒因遭火作過知州趙不猷畏懦可放罷仍取勘作過兵卒 七年十一月二十九日詔入內內侍省使臣楊震在皇城下居止遭火盛大特降一官 九年九月十九日台州遭火詔可於平江府常平米撥二萬石秀州一萬石下台州令津遣海船般取若以台州見在常平米倉米充賑濟即以此米充賑糶委本州守臣

拘錢發還兩郡仍就委見差在本州措置會子官監登

聞鼓院耿延年與本州守臣同共措置二十日守臣陶

之真降兩官放罷以極救無方也以上乾道會要淳熙元年

九月十六日衡州火既而詔本路安撫司復加存十

一月二十七日瀘州火既而八月十二日嚴州四年十二月

二月二十二日鄂州城南市九月二十二日八日合州十二年九月

自劫並放溫州十四年六月二十二日二年閏九月十四日潭州南嶽廟

火既而詔於經制錢內撥賜錢一萬五千貫上十

一月四日詔今月三日皇城內火三衙皇城司修內司

等處救火官兵並令左藏南庫等支散既而統制

錢三百貫既而統制本身既而統制

卷一百一十二

有重傷人兵本外各更父醫藥錢七十貫輕傷人兵四十貫應有殘患不能治療者各與轉一官資令本處免赴諸般差役因傷至七者令本處州具奏開七日

詔百司申嚴火禁仍令檢正左右司檢詳編修并六曹等處輪當直宿官覺察如遇假故當宿官亦早入局

四年三月七日詔臨安府居民或遇遺火差撥馬軍司潛火官兵緣地步遙遠去處人力奔赴遲悞自今如衆

安橋以北就便令殿前司策選鋒軍後軍各差二百五十人逐急先次前去救撲仍委統制官部押五年三

月二十日詔知興州楊絳追三官勒停監押王洧主簿孟養直各降一官既而以提刑折知常奏興州以市火延燒三百餘間絳等以宴飲不親救

七德改 閏六月十七日詔訪聞金州贍軍庫乾道八年

內緣火延燒係官錢引等物後來總領所已追陪到錢
引等物後來總領所已追陪到錢引四萬九千餘道其
餘應在錢物數目尚多可特興除放 十一月十五日
詔自今臨安府城裏居民遺火令馬步軍司各差三百
人救撲殿前司非奉御前指揮不得差人前去如三衛
諸軍營寨內遺火止令本軍自行救撲其馬步軍司修
內司臨安府所差人並不得干預所有逐軍元認臨安
府城裏外救火地分并差有司等處防火官兵除三省
潛火人太廟一百一人玉牒所一百二人祕書省一百
人外餘並不得差發前去令三衛主帥取統制領將官
知稟 二十六日詔自今臨安府城裏居民遺火令步

軍司依舊差統領官一員將官一員仍添副將一員部
押官兵三百人許令服著本司色號前去專一救撲
十二月二十五日宰臣趙雄等奏昨夕居民遺火頗近
德壽宮臣等監督官兵即時撲滅上曰近緣熒惑入氏
宮中火禁加嚴來年三月間再入六月又入庚元和十
一年二月熒惑入氏六月復入是謂勾己十二年十月
破蔡州擒吳元濟自今太史局官須選熟於諸史天文
志知古今者為之 七年八月二十七日温州貢院火
詔令籍元赴試人別試 九年正月六日萬松嶺火詔
三衙并修內司官兵救火有勞可特支犒設
既而殿司三千五百馬
步軍司共二千五百修內司一千五百令
巡司等第支散其錢於左藏西庫支 二月二十三

日詔步軍司自今有不測遺漏去處可斟量火勢合用人數一面追喚續差下救火官兵前去併力救撲九

月十日詔自今遇有城外居民不測遺漏可就城外近

便軍寨各認地分差人前去救撲仍先具地分圖本來

上以上考淳熙十六年八月九日南劍州火既而以

日言八月九日夜二更居民遺漏延燒市心一帶至次

特狀指此天譴罪無所逃乞重賜賑濟存恤外臣以紹熙

二年四月二十四日徽州火五月二十日金州火而既

以四川總領所言據通判金州陳京等申本州居民遺

漏延燒州治通判廳并城內外官司解舍庫帑及居民

屋舍戶數頗眾先次支橋人通救火屯駐官兵錢一萬道

及借置從本所賑給被火人戶每十口上下之家支錢

引五道五口上下之家三道人戶金州既係重地適遭火

災州郡庫帑俱為煨燼勢頗窮迫本所見同諸司措置火

續具中奏將被水之
三年六月十九日臨安府火

家更以樞密院主官侍衛步軍司公事關仲中令月

既而日以樞密院主官侍衛步軍司公事關仲中令月

十九日夜三更清波門外適火數內後軍統領威中

軍副將董慶祖訓練官王師雄三人者先上屋向前執

撲於士平爭奮逐致熄滅合行推賞照得右軍統領外

王之類舊有新上或入熟擬降及未可枉行事件有批

餘參決有合照應條法指揮到見得可行外餘參詳舊有

送所屬勘當看詳指揮定候除進熟文字外餘參詳舊有

將上或入熟擬降及未可枉行事件有批

格拍不體例合入熟常程文
字話不參以孝宗會要

□□關上

此條上缺每年
月列開禧三年
之前而臣係言
及紹興三年詔
必在紹興之後據
宋史寧宗嘉
泰元年三月臨
安大火下詔自責
此條前有詔文
之半疑即寧嘉
泰元年三月
注此條考

舍禍甚酷烈百萬生聚奔駭離居顛踣號呼無所歸命
夫天生烝民付予司牧顧朕德薄言動差失改刑繆斂
赫然威怒宜謹朕躬元元何辜害至此極悼心流涕痛
切體膚朕方戰栗齋精哀籲于上帝深自創艾愈加修
省新以祗答明戒勉為後圖仍詔二三大臣視吾百姓
羶厄有可以全活而賑濟之者凡公上之須庠庾之積
損以與民一無所愛庶幾安集以慰惜憫之意布告有
衆明聽朕言故茲詔示想宜知悉同日臣僚言伏見臨
安城內失火延燒所焚官私舍宇雖未見開具數目老
幼男女相傷避火多有因蹂踐而死者輦轂之下日戴
陛下涇渭之澤何為被禍如此其極也臣聞火之發也

為有因而其救之也必有道遺漏之始不過一炬之微
其於救滅為力至易火勢既發亦不過一處若盡力救
應亦未為難至其衝突四出延蔓不已救於東則發於
西撲於右則興於左於是而始艱乎其為力故後之無
所用其力皆起於始之不盡力撲滅不救至於燎原此
古今不易之論也今日之火為變甚酷議者乃徒言天
數之難逃而不知咎在於人力之不盡夫都城之有火
始則臨安守臣與夫步司均任其責至於殿司須俟得
旨乃出蓋其始也誠慮臨安救火之兵人數單弱所以
與步司均遣臣聞諸道路救火之初步帥夏侯恪酣酒
未醒全不招呼是以軍人亦拱手相視莫肯向前雖曰

各執火具所執殆成虛器其持桶以取水者姑以空桶
往來其拆屋以斷火路者則邀索錢物以待火至至於
燒及酒庫則又搶酒恣飲更無紀律故凡恪所歷曾無
微勞以奉陛下之命令以全陛下之生齒徒閉口不言
而已或曰恪曾有疾筋力不逮曩時是以奔走招呼無
能為役夫既無勇以率先士卒又無知謀以臨制事幾
比屋蕩焚父子夫婦至不相保萬一事有大於救火者
則其為患當不止是將焉用斯人為哉今火既息矣若
曰減膳避殿下責躬之詔抑畏震懼以答天譴此乃陛
下應天以寔之事若曰避火之家與夫救火將士之損
傷者死亡者合行優與賑恤此又有司當所舉行宣布

德意之事而臣今日所言以為當議救火不力之罪謝
此延燒被苦之民則如夏侯恪者無所逃其罪矣若乃
延燒罪犯著在令甲昭然甚明臣據臨安府甲係左一
南廂住人楊浩家遺漏恭聞高宗皇帝紹興三年詔嚴
火禁放火人不以燒毀屋舍多少並依軍法其失火正
犯^人如焚毀官私屋宇數多並取旨依軍法斷遣蓋一
家不謹而萬家受禍倘不重寘典憲其又將何以謝無
辜受禍之家乎臣前所謂火之發也必有因推原遺漏
之因則臨安府所申楊浩是也其救火也必有道救之
而無其道如臣前所陳則夏侯恪之罪是也敬望英斷
將夏侯恪亟賜罷黜仍乞行下臨安府將失火正犯人

研窮根勘如是正身有犯不得移罪幹僕明具情犯取
旨重作施行詔夏侯恪放罷餘依 開禧二年二月四
日御筆二月二日夜壽慈宮遺火由朕涼德以至回祿
為災上驚慈闈可自初四日撤樂避正殿 嘉定元年
正月十九日福州安撫提刑司言知連江縣蕭仲徽申
今月十一日夜民家遺漏躬親同縣官帶領弓兵等立
賞錢併力救撲其時風勢甚急延燒縣南左右居民屋
宇四更後方得撲滅即無損壞官物人口除已曉示被
火之家從便就寺觀庵宇權暫居止逐司帖委連江縣
丞薛師雍前去地頭體究計三百七十六家權議撥義
倉米四十四石五斗并截撥合發本州省錢二百四十

一貫文支散賑濟被火之家訖詔令福州將被火之家更切多方措置賑卹毋致失所三年二月八日建寧府言去年十一月三十日政和縣申本縣市心十一月二十七日夜民家遺漏縣官即時躬親部領弓級等人前去救應其時火勢急熾續後分頭撲滅本府帖委政和主簿陳師點抄劄計一百三十八卷已支撥錢米斟酌等第賑濟訖詔令建寧府將被火之家更切多方措置存恤無令失所八月二十二日福州言本州七月二十二日夜居民遺漏尋即躬親同通判兵職官將帶軍兵前去多方極力營救至四更撲滅委官括責到計一百五十家即無燒過官司解舍損失官物亦不曾死損人

日本州已將被火之家各於鄰近寺院及官司解舍權
暫安泊所有架造木植之類照例免行收稅及將被火
之家從蠶解斛量等第支常平錢米賑恤訖詔令福州
將被火之家多方賑恤毋致失所九月二十六日知處
州趙伯麟言本州八月二十六日夜地名小路居民遺
漏緣值風色稍緊即時同見任官往遺漏處差人併力
奔救至五更方得撲滅延燒一百五十六家即無官舍
竊見本州依山為郡民貧產薄頻年遺漏近方得全今
再有焚燹皆由伯麟冒領郡符德薄福淺有以招致除
已一面括責被火之家賑給錢米及行下屬縣出產木
植去處招誘客販並與權免抽解稅錢多方存恤乞將

伯麟重作處分勘會伯麟已降指揮放罪詔令處州將
被火之家更切多方賑恤毋致失所十一月十七日福
建路提舉常平倉事司言汀州中寧化縣九月二十日
日居民遺漏延燒屋宇當即同縣官帶手力與尉縣弓
手等前去救撲緣為火勢漸逼縣衙遂般移官錢官監
架閣文書及獄內罪人等出外多方營救遂得撲滅縣
衙幸免延及火勢方定揭榜曉諭被火之家從便往寺
觀等處暫泊牒委司法林迪功縣丞劉從事究寔被火
之家即行支給錢米賑濟又泉州申九月四日夜有衙
門前廂行春門內居民遺漏州司躬親領帶潛火衙兵
關報左翼軍差撥官兵併力救助即時撲滅本州於有

管錢內支錢一千貫文給與左翼軍官兵犒設所有被
火沿燒之家委晉江縣趙迪功權都監宋從義親詣地
體究見得二十七家被燒一十三家屋宇被拆除二十
一家係有力之家外其餘並係經紀小民州司於常平
義倉錢米內被燒一十三家每家支白米五斗錢兩貫
文被拆六家白米三斗錢一貫文委官前去地頭俵散
賑卹及曉示被火之家許於寺舍從便安泊申本司除
已行下泉州更切優加賑卹毋令失所詔令汀州泉州
各將被火之家更切多方措置賑卹毋致失所十二月
十二日吉州言本州城外草市九月十二日夜居民遺
漏延燒即時同當職官兵部領軍兵前去救撲緣邊江

風勢猛急遂沿燒居民屋宇三百六家及拆除一百六十七家除已抄割被火之家支給錢米賑濟及放免糧木稅勸諭日下蓋造優加存卹無令失所詔令吉州將被火之家更切多方措置賑卹毋致失所四年正月七日溫州言本州並海每遇深冬驟風時作忽於十一月初十日夜在城監前界居民遺漏知郡即同當職官躬率官兵并廂界義社前往救撲是時風急火熾遂親督合干救火軍民於火將至處拔屋斷截火路併力運水救撲即得熄滅已委官括責被火沿燒居民七十六家并拔倒贍軍酒庫門臺外不曾壞官舍本州已抄割貧乏之家支給錢米賑卹并執狀被付火人戶收買竹木

上宜入火災

起蓋屋宇居住免收稅錢詔令温州將被火之家更切多方賑卹毋致失所二月二十一日浙東提刑司狀慶元府奉化縣中本縣市郭嘉定三年十一月二十六日夜民家遭火沿燒屋宇九十三家內有六十二家貧乏無可存居當時兩次給散米糧接濟仍告示毗近寺觀時暫存留居止及告示屋主日下起屋仍舊稅賃如有無力屋主即令有財力資戶